

摘藻堂四庫全書薈要

史部

欽定四庫全書薈要

史部

文獻通考卷九十六

詳校官員外郎臣潘紹觀



欽定四庫全書薈要卷九千四百十六

史部

文獻通考卷九十六

鄱陽馬端臨貴與著

宗廟考六

祭祀時享薦新

有虞氏四時之祭名春曰礿

礿薄也春物未成其祭品鮮薄又云新菜可礿

夏

曰禘

禘者次第也夏時物雖未成宜依時次第而祭之

秋曰嘗

新穀熟而嘗之

冬曰烝

烝進也冬物成進其品也

其祭尚氣郊特牲云血腥燭祭用氣也

尚謂

貴而祭祀之時先薦用氣物也血謂祭初以血詔神於室腥謂朝踐薦腥肉於堂燔謂沈肉於湯次腥亦薦於堂以血腥燔三者而祭是用氣也以其并未熟故云用氣也

法先迎牲殺之取血告

於室以降其神然後用樂而行祭事其祭貴首

夔曰夏擊鳴球搏拊琴瑟以詠祖考來格虞賓在位

羣后德讓

夏擊是作用之名非樂器故以夏擊為拊敵搏拊形如鼓以韋為之實之以糠擊之

以節樂球玉磬以合堂上之樂此舜廟內堂上之樂以下云下管故知此在堂上也所謂虞賓丹朱王者

後以故稱賓

下管鼗鼓合止机敵

言夏擊以下樂各有机敵上言夏擊以作用言此以

罷言互相備

笙鏞以間鳥獸蹌蹌

吹笙擊鐘相間而作簫鳥獸化德相率而舞

韶九成鳳凰來儀

韶舜樂名言蕭見細器之備成猶終也每曲一終必變更奏故經言

九成傳言九奏周禮謂之九變其實一也備樂九終而致靈鳥

夏氏時祭之名因有虞其祭貴心用昏

殷禴禘烝嘗亦因虞夏之制王制云春禴夏禘秋嘗冬

烝

鄭玄云此夏殷之法

其祭尚聲郊特牲云殷人尚聲臭味未成

滌蕩其聲樂三闋然後出迎牲聲音之號所以詔告於

天地之間也

疏曰殷人尚聲者先奏樂也臭味未成謂未殺牲也滌蕩猶搖動也既尚聲故未殺

牲而先搖動樂聲以求神也樂三闋然後出迎牲者闋止也奏樂三編止乃迎牲入殺之聲音之號所以詔告

於天地之間也者解以先奏樂之義言天地之間虛豁亦陽也言鬼神在天地之間聲是陽故用樂之音聲號呼告於天地之間庶神明聞之而來是先求陽之義也其祭貴肝用日出

傳樂以迎來哀以送往故禘有樂而嘗無樂

迎來而樂樂親

之將來也送去而哀哀其享否不可知也小言之則為一祭之間孝子不知鬼神之期推而廣之放其去來於陰陽之間孝子不知鬼神之期故祭初似若來故樂祭末似去故哀據孝子之心雖春有樂及鐘鼓送尸孝子之心祭末猶哀也云推而廣之放其去來於陰陽者解經云故禘有樂而嘗無樂二句也言推此一祭而廣論一年放神之去來似陰陽二氣但陽主生長春夏陽來似神來故春夏祭有樂秋冬陰象神去故秋冬祭無樂然周禮四

時之祭皆有樂殷則烝嘗祭亦有樂故那詩云庸鼓有數萬舞有奕下云顧予烝嘗則殷秋冬亦有樂者

熊氏云殷秋冬但有管絃之樂又云烝嘗全無樂故其義已具郊特牲

凡祭有四時

春祭曰禘夏祭曰禘秋祭曰嘗冬祭曰烝

謂夏殷時禮也

禘

禘陽義也嘗烝陰義也禘者陽之盛也嘗者陰之盛

也故曰莫重於禘嘗

疏曰禘祭在夏夏為炎暑故為陽盛嘗祭在秋之時陰功成就

故為陰盛

古者於禘也發爵賜服順陽義也於嘗也出田

邑發秋政順陰義也

疏曰爵命是生養之事故屬陽國地是土地之事故屬陰也

故記曰嘗之日發公室示賞也草艾則墨未發秋政

則民弗敢草也

父音刈 疏曰以記錄之前先有此記之文故作記者載此前記之文所

以言記曰也此記云嘗祭之日發出公室貨財以示賞也草刈則墨者謂初秋草堪父給炊爨之時則行小刑之墨人君未發行秋政則民不敢刈草也

陳氏禮書曰商禮春曰禘夏曰禘而五年之禘為大禘詩頌長發大禘是也周禮春曰祠夏曰禘而五年之禘不稱大焉詩頌雍禘太祖是也

周祭春曰祠

祠之言食

夏祭曰禘

新築可禘

秋祭曰嘗冬祭曰烝

以禘為殷祭之名其祭尚臭郊特牲曰周人尚臭灌用

鬯臭鬱合鬯臭陰達於淵泉灌以圭璋用玉氣也既灌

然後迎牲致陰氣也蕭合黍稷臭陽達於牆屋故既奠

然後炳蕭合羶薌炳如悅反羶音馨薌音香灌謂以

殺之天子諸侯之禮也奠謂薦熟時也特牲饋食所云

祝酌奠於鉶南是也蕭薌蒿也染以脂合黍稷燒之詩

云取蕭祭脂疏曰周人尚臭者周禮變於殷故先求

陰尚臭也臭謂鬯氣也未殺牲先酌鬯酒灌地以求神

是尚臭也鬱鬱金草也鬯謂鬯酒煮鬱金草和之其氣

芬芳調鬯故云鬱合鬯也用鬱鬯灌地是用臭氣求陰

達于淵泉也灌以圭璋用玉氣也者王肅云以圭璋為

瓚之柄也瓚所以斟鬯也玉氣潔潤灌用玉瓚亦求神

之宜也玉氣亦是尚臭也既灌然後迎牲者先求神後

迎牲也先灌是先求陰也蕭合黍稷者周人後求陽也

取蕭草及牲脂膋合黍稷燒之也此謂饋食時也臭陽達於牆屋者謂以蕭合黍稷之臭氣求陽達於牆屋也其祭貴肺用朝及闇

傳凡祭慎諸此魂氣歸於天形魄歸於地故祭求諸陰陽之義也殷人先求諸陽周人先求諸陰

陳氏禮書曰祭義曰夏后氏祭其闇商人祭其陽周人祭日以朝及闇檀弓曰夏后氏大事用昏商人大事用日中周人大事用日出然則春秋書之大事於太廟傳稱國之大事在祀與戎則祭亦大

事也夏尚黑用昏故祭其闇商尚白用日中故祭

其陽周尚赤用日出故祭以朝及闇

鄭氏謂陽讀為曰雨曰暘

之暘以朝及闇謂終日有事

蓋三代正朔之所尚正則夏以建

寅商以建丑周以建子朔則夏以平旦商以雞鳴

周以夜半是皆夏據其末商周探其本則祭之早

晏亦若此也少牢大夫之祭宗人請期曰旦明行

事子路祭於季氏質明而始行事晏朝而退孔子

取之此周禮也然禮與其失於晏也寧早則周雖

未明之時祭之可也故曰以朝及闇周官雞人凡國事為期則告之時宗伯祭之日告時於王蓋雞人告於宗伯宗伯告於王然後行事

朱子曰儀禮所存惟少牢饋食特牲饋食禮是大夫士禮兼又只是有饋食若天子祭便合有初間祭腥等事如所謂建設朝事燔燎羶薌若附儀禮此等皆無入頭處意欲將周禮中天子祭禮逐項作一總腦却以禮記附如疏中有說天子處皆編

出因云某已衰老其間合要理會文字皆起得箇
頭在及見其成不見其成皆未可知萬一不及見
此書之成諸公千萬勉力整理得成此書所係甚
大

大宗伯之職以吉禮事邦國之鬼神示以肆獻裸享先
王以饋食享先王以祠春享先王以禴夏享先王以嘗

秋享先王以烝冬享先王

示音祇肆他歷反裸古亂反
禴餘若反宗廟之祭有此

六享肆獻裸饋食在四時之上則是禘也禘也肆者進
所解牲體謂薦熟時也獻獻醴謂薦血腥也裸之言灌

灌以鬯免謂始獻尸求神時也郊特牲曰魂氣歸於天形魄歸於地故祭所以求諸陰陽之義也殷人先求諸陽周人先求諸陰灌是也祭必先灌而後薦腥薦熟於祫逆言之者與下共文明六享俱然祫言肆獻裸禘言饋食者著有黍稷互相備也疏曰云祭必先灌乃後薦腥薦熟於祫逆言之者與下共文明六享俱然者如向所說先灌訖王始迎牲次腥其俎腥其俎訖乃燔燔祭訖始迎尸入室乃有黍稷是其順也今此經先言肆肆是饋獻節次言獻獻是朝踐節後言灌灌是最在先之事是於祫逆言之也言與下共文明六享俱然者既從下向上為文即是於下五享與上祫祭皆有灌獻肆三事矣故云六享俱然

黃氏曰先儒以肆為肆解牲體獻為獻醴肆獻裸謂灌而後薦腥薦熟差次薦獻之節固如此然典

瑞裸圭有瓚以肆先王司尊彝鬱齊獻酌則肆獻
皆用裸而為名也若以為裸而後肆獻故以為名
則義猶得通然小宗伯王崩大肆以秬鬯泐太祝
大喪始崩以肆鬯泐尸不可亦為肆解牲體矣是
則肆獻專為裸但不知其義為何如也先儒又以
肆獻饋食為禘祫宗廟四時之祭其外有禘祫禘
追遠祫合食宜為廟祭之首然天子之禮亡今諸
儒所言祭祀之節皆雜出經傳意類推次難遽信

也宗廟之祭皆有牲體皆有黍稷而獨以肆獻為
祫饋食為禘不知其義何以為據

楊氏曰愚案典瑞裸圭以肆先王司尊鬱齊獻酌
則肆獻裸即裸也祭以裸為重裸所以降神祭統
云獻之屬莫重於裸是也祭以饋熟為正正祭之
時祝官以祝辭告於主郊特牲云直祭祝於主是
也凡四時之祭皆然舉其要故在四時之上

仲春之月天子乃鮮羔開冰先薦寢廟

鮮當作獻獻羔謂祭司寒也祭

司寒而出冰先薦於宗廟乃後賦之

孟夏之月農乃登麥天子乃以彘

嘗麥先薦寢廟

登進也麥新氣尤盛以彘食之散其熱也彘水畜也

仲夏之月

農乃登黍天子乃以離嘗黍羞以含桃先薦寢廟

此嘗離也

而云以嘗黍不以牲主穀也必以黍者黍火穀氣之主也離難也

疏云如鄭此言黍非新成直取舊黍與離

同薦之故下孟秋云農乃登穀注云黍稷於是始熟明仲夏未熟蔡氏以為此時黍新熟今蟬鳴黍是也非鄭義也按月令諸月無薦果之文此獨羞含桃者以此果先成異於餘物故特記之其實諸果亦時薦

孟

秋之月農乃登穀天子嘗新先薦寢廟

仲秋以犬嘗

麻先薦寢廟

季秋以犬嘗稻先薦寢廟

季冬命漁

師始漁天子親往乃嘗魚先薦寢廟

長樂陳氏曰先儒謂廟藏神主而祭以四時寢藏衣冠几杖之具而祭之以新物然國語曰大寒取名魚登水禽嘗寢廟月令四時新物皆先薦寢廟蓋有寢者薦於寢無寢者薦於廟非謂薦止於寢也

嚴陵方氏曰既曰寢又曰廟何也蓋王者之於祖禰以人道事之則有寢以神道事之則有廟天子

七廟而周官隸僕止掌五寢者以二祧將毀先除其寢事有漸故也祭神道也薦人道也

傳始殺而嘗

建酉之月陰氣始殺嘉穀始熟故薦嘗於宗廟

閉蟄而烝

建亥之月

昆蟲閉戶萬物皆成可薦者衆故烝祭宗廟

春秋桓公五年左氏傳

中夏教爰舍

遂以苗田如蒐之灋獻禽以享

中音仲下同爰蒲末反爰舍草止

之也夏田為苗擇取不孕任者

禘宗廟之夏祭也

冬夏田主於祭宗廟陰陽始起象神之在內

疏曰

以草釋爰以止釋舍軍有草止之法云冬夏田主於祭宗廟陰陽始起象神之在內者仲冬一陽生仲夏

一陰生是陰陽在內故神象之而行祭也

中冬教大

閱遂以狩田入獻禽以享烝

冬田曰狩言守取之無所擇也入以禽祭宗廟

夏官大司馬

易既濟九五東鄰殺牛不如西鄰之禴祭

牛祭之盛者也禴祭之薄者也居既濟之時而處尊位物皆濟矣將何為焉其所務者祭祀祭祀之盛莫盛脩德故治汙之毛蘋蘩之菜可羞於鬼神故黍稷非馨明德惟馨是以東鄰殺牛不如西鄰之禴祭實受其福也桓十四年秋八月壬申御廩災乙亥嘗

御廩藏公

所親耕以奉菜盛之倉也天火曰災既戒日致齋御廩雖災苟不害嘉穀則祭不應廢故書以示法

仲尼嘗奉薦而進其親也愆其行也趨趨以數

趨音促數

色角反

嘗秋祭也親謂身親執事數速也

疏曰

奉薦而進其親也愆謂質愆謂仲尼奉薦進尸之時

其身執事其行貌慤質少威儀其行步促促速疾少威儀舉足而數也

詳見宗廟祭祀總義

戊

辰王在新邑烝祭歲文王辟牛一武王辟牛一

洛誥

桓公八年正月己卯烝穀梁子曰烝冬事也春興之

志不時也夏五月丁丑烝烝冬事也春夏興之黷祀

也志不敬也公羊子曰春曰祠夏曰禘秋曰嘗冬曰

烝常事不書此何以書譏亟也

亟數也

亟則黷黷則不

敬君子之祭也敬而不黷疏則怠怠則忘士不及茲

四者則冬不裘夏不葛

裘葛者禦寒暑之服士則公事不得及此四時祭者則不

敢美其衣服蓋
思念親之至也

襄公十五年冬十有一月晉侯周

卒十六年正月葬晉悼公平公即位

於曲沃
悼公

子彪曲沃晉祖廟烝冬祭也諸侯五月而葬既葬作主然後烝嘗於廟今晉踰月葬作主而烝祭傳言晉將有溴梁之會故速葬

陳氏禮書曰君子以義處禮則祭不至於數煩以仁處禮則祭不至於疏怠悽愴發於霜露之既降怵惕生於雨露之既濡此所以有四時之享也然四時之享皆前期十日而齋戒前祭一日而省眡

祭之日禮交動乎上樂交應乎下自再裸以至九
獻其禮非一舉自致神以至送尸其樂非一次以
一日而歷七廟則日固不足而強有力者亦莫善
其事矣若日享一廟前祭視牲後祭又繹則彌月
之間亦莫既其事矣考之經傳蓋天子之禮春則
犴祭夏秋冬則合享犴祭各於其廟合享同於太
廟王制曰天子犴祫禘祫嘗祫烝諸侯祫禘禘
一犴一祫是天子春犴而三時皆祫諸侯亦春犴

而冬皆禘其異於天子者禘一牷一禘一禘而已禘一牷一禘而嘗烝皆禘是始年再禘次年三禘也天子言牷禘諸侯言禘牷天子言禘禘禘嘗禘烝諸侯言嘗禘烝禘此特變文而已非有異也

鄭氏曰天子先

禘而後時祭諸侯先時祭而後禘凡禘之歲春一禘而已孔穎達云皇氏謂虞夏禘祭每年為之又云三時禘者夏秋冬或一禘焉按禘禘志云禘於秋於冬皆夏則夏商三時俱商祭皇氏之說非也

其言皆無所據

楚茨之詩始言以往烝嘗終言神具醉止

儀禮大夫三廟筮止丁亥之一日而言薦歲事於

皇祖禮記云嘗禘之禮所以仁昭穆則會羣神於
烝嘗而具醉者祫也合三廟於一日而薦於皇祖
者亦祫也嘗禘所以仁昭穆亦祫也祫有三年之
祫有時祭之祫時祭小祫也

士虞禮曰薦此祫事
則時祭謂之祫宜矣

三年之祫大祫也時祭有小禮有大禮小禮春也
大禮夏秋冬也公羊傳曰大事者何大祫也則明
時祭之祫為小祫矣禮記曰大嘗周禮曰大烝則
春祀為小禮矣蓋小祫止於未毀廟之主大祫已

及於毀廟之主禮記曰周旅酬六尸又曰祫於太廟祝迎四廟之主夫天子旅酬止於六尸諸侯迎主止於四廟非小祫而何

又曰周禮大宗伯以肆獻裸饋食享先王以春祠夏禴秋嘗冬烝享先王祭法王立七廟一壇一墠曰考廟曰王考廟曰皇考廟曰顯考廟曰祖考廟皆月祭之遠廟為祧有二祧享嘗乃止諸侯五廟一壇一墠曰考廟曰王考廟曰皇考廟皆月祭之

顯考廟祖考廟享嘗乃止然則周禮有時祭無月

祭祭法有月祭無時祭周語祭公謀父曰甸服者
祭侯服者祀賓服者享要服者貢日祭月祀時享
歲貢楚語觀射父曰先王日祭月享時類歲祀諸
侯舍日卿大夫舍月士庶人舍時韋元成韋昭之
徒則曰天子日祭于祖考月祭于曾高時享于二
祧歲貢于壇墠此與漢法日祭於寢月祭於廟時
祭於便殿其事相類而甸侯賓要荒五服之制與

禹貢相合蓋夏商之禮如此故左丘明荀卿司馬
遷皆得以傳之也周禮小宗伯凡天地之大裁類
社稷宗廟為位則類於宗廟者無常時與所謂王
時類者異矣王制庶人春薦韭夏薦麥秋薦黍冬
薦稻韭以卯麥以魚黍以豚稻以鴈則薦於四時
者有常物與所謂庶人舍時者異矣然則玉藻言
天子聽朔於南門之外諸侯聽朔於太廟春秋文
公六年書閏月不告朔猶朝於廟論語曰子貢欲

去告朔之餼羊鄭氏釋玉藻謂天子聽朔於明堂以特牲告其帝神配以文王武王釋論語謂人君每月告朔有祭謂之朝享然周禮朝享非謂告朔而聽朔於明堂以特牲告其帝及神配以文王武王無所經見要之告朔於廟餼以特牲謂之月祭此先王之禮也魯文公不行告朔之禮但身至廟拜謁而已故春秋譏之穀梁言天子告朔於諸侯諸侯受於禰廟禮也又曰閏月不以告朔然受朔

於禴則異於玉藻閏月不告朔則異於左氏

左氏曰閏

以正時時以作事事以厚生生民之道於是乎在不告朔棄時政也祭法諸侯月祭

不及祖考其說與穀梁同不知何據然邪

右四時祭義

國語楚語曰古者先王日祭月享時類歲祀

日祭於祖考月

祭於高曾時類及二祀歲祀於壇墠也

卿大夫舍月

有時祭也

周語穆王

將征犬戎

犬戎西戎之別名征荒服

祭公謀父諫曰先王之制邦

內甸服邦外侯服侯衛賓服蠻夷要服戎翟荒服甸

服者祭

供日祭也此采地之君其見無數

侯服者祀

供月祀也堯舜及周侯服皆歲

見賓服者享

供時享也享獻也周禮甸圻二歲而見男圻三歲而見衛圻五歲而見其見也

必以所貢助祭於廟孝經所要服者貢
謂四海之內各以其職來祭
供歲貢也要服六歲一見

荒服者王

王王事天子也周禮九州之外謂之蕃國世一見各以其所貢寶為贄詩曰自彼氏

羌莫敢不來王

日祭

祭於祖考謂上食也

月祀

月祀於高曾

時享

時享於二祧歲

貢

歲貢於壇墠

終王

終謂世終也惟嗣王及即位而來見

先王之訓也序成

而有不至則修刑

序成謂上五者次序也

今自大畢伯仕之終

也

大畢伯仕犬戎氏之二君終卒也

犬戎時以其職來王天子曰予

必以不享征之且觀之兵其無乃非先王之訓乎

朱子曰左氏云特祀於寢而國語有日祭之文

韋昭

曰謂日上食於祖禰漢事亦然

是主復寢猶日上食矣又曰國語

日祭月祀時享既與周禮祀天神地祇享人鬼之名不合韋昭又謂日上食於祖禰月祀於高曾時享於二祧亦但於祭法畧相表裏而不見於他經又主既復寢則其几筵未知當俟臨祭而後設邪或常設而不除也

右日月時歲之祭

前期十日小宗伯掌四時祭祀之序事與其禮

序事謂卜日省

牲視滌濯饗饗之事

太宰祀五帝則掌百官之誓戒

次序之時春官

與其具修前期十日帥執事而卜日遂戒享先王亦如

之自太宰而下及齋冠服等並見祀昊天上帝禮前期十日之條內

小宗伯毛六牲

頒於五官使其奉之

毛擇毛也鄭司農云司徒主牛宗伯主雞司馬主馬及羊司寇主犬

司空主豕疏曰皆有毛色若宗廟用騂之等毛戚如字劉莫報反王制宗禮之牛角握注曰握謂長不

出膚國語楚語烝嘗不過辨六齎使六宮之人共奉

之疊讀為案謂六穀黍稷

辨六彝以待果將

雞烏尊黃虎雉

稻梁麥狀

狀音孤

疏

曰將送也謂以圭瓚酌之送與尸辨六尊以待祭祀獻

果讀為裸竿音假又音嫁雉音誅

象

壺著大山

邊人共其邊薦羞之實

醢人共薦羞之

春官

豆實

醢呼在反詳見下文朝踐饋獻再獻條

醢人共五齊七菹凡醢醬

之物齊子兮反天官

鹽人共苦鹽散鹽

苦音鹽工戶反散悉但反杜子春

讀苦為鹽謂出鹽直用不凍治鄭司農云散鹽凍治者立謂散鹽鬻水為鹽凍音練鬻音煮鹽音古

甸師共齎盛共蕭茅

見祭物

世婦掌女宮之宿戒

女宮刑女

給宮中事者宿戒當給事豫告之齊戒也疏帥六宮曰此亦祭前十日戒之使齊祭前三日又宿之

之人共蠶盛

帥世婦世御

春官

天官世婦掌祭祀

之事帥女宮濯概為蠶盛注曰概拭也為

猶差擇疏曰祭祀黍稷春人春之無人炊之皆不使世婦故此為非春非炊是差擇可知也概古愛反寺

人若有祭祀之事則帥女宮而致於有司佐世婦治禮

事注曰有司謂宮卿世婦佐世婦二十七世婦女御

凡祭祀贊世婦注曰助其帥泣女宮 內小臣若有祭祀則擯詔后之禮

事相九嬪之禮事正內人之禮事

疏曰祭祀后有事九嬪以下從后往小臣

則與后為擯贊也云詔后之禮事相九嬪之禮事正內人之禮事者詔相正皆是上擯但據尊卑不同故以詔

相別之后尊云詔詔告而已九嬪稍卑則言

亨人掌

共鼎鑊以給水火之齊

齊才細反鑊所以煮肉及魚腊之器既熟乃胥於鼎疏曰

云齊多少之量者謂實水於鑊及爨之以火皆有多少之齊也

隸僕掃除糞灑

掃素報反

灑所賣反注疏見宗廟制度

傳及時將祭君子乃齊齊之為言齊也齊不齊以致

齊者也及其將齊也防其邪物訖其嗜欲耳不聽樂

故記曰齊者不樂言不敢散其志也心不苟慮必依

於道手足不苟動必依於禮

訖猶止也乃齊側皆反下齊也齊不齊齊之皆

如字嗜市志反邪似嗟反訖居乙反疏曰方將接神先宜齊整身心故齊也齊者齊也所以正此不齊之事謂未齊之時心慮散蕩心所嗜欲有不齊正及其齊也正此不齊之事以致極齊戒之道是故

君子之齊也專致其精明之德也故散齊七日以定之致齊三日以齊之定之之謂齊齊者精明之至也

然後可以交於神明也

定者定其志意

是故先期旬有一日

宮宰宿夫人夫人亦散齊七日致齊三日

宮宰守宮官也宿讀

為肅肅猶戒也戒猶肅重也

君致齊於外夫人致齊於內然後會

於太廟

祭統

致齊於內散齊於外齊之日思其居處

思其笑語思其志意思其所樂思其所嗜齊三日乃

見其所為齊者

所樂音岳又五孝反處以下五事謂孝子思

疏曰思其所念親存之五

事也先思其粗漸思其精故居處在前樂嗜居後齊三日乃見其所為齊者謂致齊精意純熟目想之若見其所為齊之親也祭義程子曰凡祭必齊齊之日思其居處思其笑語此孝子平日思親之心非齊也齊不容有思有思則非齊齋三日見其所為齊者此非聖人語齊者湛然純一方能與鬼神接能事鬼神此是上一等人

祭之前日太宰及執事祗滌濯

疏及大宗伯以下並見祀昊天上帝禮祭之前

條日 大宗伯涖鬯

鬯鬱

小宗伯省牲

察其不如法地官克人展牲

則告牲注曰展牲若今夕牲也特牲宗人視牲告克

司烜氏以夫燧取明火於

日以鑒取明水於月以供祭祀之明盥明燭共明水

烜音

燬夫方符反司農音符盞音資註作染音同夫遂陽

遂也盞鏡屬取水者世謂之方諸取日之火月之水欲

得陰陽之潔氣也明燭以照饌陳明水以為玄酒鄭司

農云夫發聲明盞謂以明水修滌染盛黍稷疏曰云

陽遂也若日若太陽之精取

世婦及祭祀比其具

火於日故名陽遂秋官

比次也具所濯概及

掌次張

毗志反司農匹氏反

比次也具所濯概及

掌次張

染盛之繫鄭司農讀為厄厄具也

春官

其旅幕尸次

見祭

司几筵設莞筵紛純加縹席畫純

加次席黼純左右玉几祀先王昨席亦如之諸侯祭祀

席蒲筵續純加莞席紛純右雕几昨席莞筵紛純加縹

席畫純凡吉事變几

斧謂之黼其繡白黑采以絳帛為

質依其制如屏風然於依前為王

大統通考

十九

設席左右有几優至尊也紛讀如粉謂白繡也純緣也
纁讀如藻次席虎皮為席元謂紛如綬有文而狹者纁
席削蒲蒻展之編以五采若今合歡畫謂雲氣也次席
桃枝席有次列成文昨讀曰酢謂祭禮及王受酢之席
尸卒食王醕之卒爵祝受之又酌授尸尸酢王於是席
王於戶內后諸臣致爵乃設席亦如上三種席吉事王
祭宗廟裸於室饋食於堂譯於祊每事易几神事文示
新之凶事仍几凡奠几朝夕相因喪禮略疏曰凡敷
席之法初在地一重即謂之筵重在上方即謂之席云
次席桃枝席有次列成文者鄭以漢時以桃枝竹為席
次第行列有成其鋪筵設同几為依神也鋪普胡反
文章故以言之也鋪筵設同几為依神也疏曰設

之曰筵坐之曰席言人生時體異故夫婦
別几死則魂氣同歸於此故夫婦同几也

典庸器帥

其屬而設奠簋陳庸器

注疏見祭物樂條

大司樂以六律六

同五聲八音六舞大合樂以致鬼神示乃分樂而序之

以祭以享以祀乃奏夷則歌小呂舞大濩以享先妣

或濩

故反

夷則陽聲第五小呂為之合小呂一名中呂先

妣姜嫄也周立廟自后稷為始祖姜嫄無所配是以特

立廟而祭之謂乃奏無射歌夾鍾舞大武以享先祖

音射

之闕宮闕神之亦夾古洽反無射陽聲之下也夾鍾為之合凡樂事

夾鍾一名圜鍾

先祖謂先王先公

詳見祭物

凡樂事

大祭祀宿縣遂以聲展之

縣音元

疏曰謂展省聽之

知其完否善惡也詳見祭

物王出入則令奏王夏尸出入則令奏肆夏牲出入則

令奏昭夏

三夏皆樂章名

疏曰王出入謂王將祭祀

初入

廟門及

祭訖

出廟門

皆令奏

王夏也

尸

出入謂尸初入廟門及祭祀訖出廟門皆令奏肆夏牲
出入若謂二灌後王出迎牲及燔肉與體其犬豕是牲
出入皆令奏昭夏先言王次言
尸後言牲此亦祭祀之次也
鼓人以路鼓鼓鬼享

享許文反路鼓四面鼓疏曰案大宗伯宗廟有六
享禘祫及四時皆言享先王則皆是大祭縱有享先公
為次祀祭殤為小祀皆用此路鼓以
天地神祇大小同鼓故也地官
及入舞君執干

戚就舞位君為東上冕而總干率其羣臣以樂皇尸
樂音

洛君為東上近主位也皇君也言君尸者尊之祭
統通典云乃奏無射歌夾鍾舞大武以享先祖時堂

下之樂亦作若特祭后稷廟樂同降神樂章則歌思文
特祭大王廟歌清廟特祭武王廟歌執競樂同先王先
公若特祭姜姬廟則奏夷則歌小呂舞大濩以享先妣
思文等詩並見祫祭禮楊氏曰大司樂凡樂黃鍾為

宮九變則人鬼可得而禮宜入四時祭祀但宗廟之禮莫重於禘祭大司樂疏亦云於宗廟中奏之謂大禘也

故見於禘祭篇

祭之日雞人大祭祀夜嘯旦以詔百官

嘯火吳反

詔古弔反春官

巾車鳴鈴以應雞人

同上

閤入大祭祀之事

設門燎蹕宮門廟門

燎地燭也

蹕止行者廟在中門之外疏曰燭在地曰燎謂若天子

布纒之以蜜塗其上若今蠟燭矣天官宮正凡邦

之事蹕宮中廟中則執燭注曰國有事王當出則宮正

主禁絕行者若今時衛士填街蹕也事祭事也邦之祭

社稷七祀於宮中祭先公先王於廟中隸僕掌蹕止行者宮正則執燭以為明疏曰宮中若小宗伯云左宗廟

右社稷在宮中中門之外也填音田街音佳內豎若有祭祀之事則為內人蹕注曰內人從世婦有事於

廟者內豎為六宮蹕者以其掌內小事疏曰
祭祀在廟謂禘祫四時之祭祀為于偽反

酒正共

五齊三酒以實八尊

時祭用二齊三酒說見前

冪人

以畫布巾冪六彝

冪莫歷反雲氣與

與音餘宗廟可以文畫者畫其

尊疏曰宗廟八尊亦用畫布互舉以明義也

天官

世婦及祭之日泣陳女宮

之具凡內羞之物

泣臨也粉簪按少牢從房中而來故名為內

疏曰內羞之物者謂糗餌

羞肆師祭之日表齋盛告潔展器陳告備

疏曰當祭之日旦其

黍稷等盛於簋簋陳於廟堂東皆為徽識小旌書其黍稷之名以表之又告潔淨於堂東陳器實之既訖則又

展省視之而告

大史祭之日執書以次位常

大音泰謂校

備具

春官

呼之教其所當居之處同上文王世子公族其在

宗廟之中則如外朝之位宗人授事以爵以官注曰宗

人掌禮及宗廟也以爵貴賤異位也以官官各有掌也

若司徒奉牛司馬奉羊司空奉豕與疏曰此論同姓

公族在宗廟之禮故云其在宗廟之中則立位所在如

外朝之位也宗人授事以爵以官若宗人掌禮之官及

宗廟授百官之事以爵者隨爵之尊卑貴者在朝賤者

在後又以官之職掌各供其事按周禮司徒奉牛牲司

馬奉羊牲其司空奉豕無文此云知奉豕者五行傳云

豕屬水司空冬官其位當水故鄭注周禮司空奉豕與

典路若有大祭祀則出路贊駕說說書銳反舍車也

贊駕說贊僕與趣馬也春官大馭司服享先王

司常節服氏等並見祀天禮車騎條

則衮冕享先公則鷩冕鷩必滅反衮卷龍衣也鷩畫

以雉謂華蟲也見於春官

君純冕立於阼夫人副褱立於東房

純側其反褱音輝疏曰君純

冕立於阼者純亦緇也冕皆上玄下纁其服並然故通云緇冕副及褱后之上服尸既入之後轉就西房故禮

器云夫人在房雖不云東西房下云夫人東酌罍尊則知夫人在房謂西房也祭統

太祝逆

尸令鐘鼓來瞽令臯舞

來臯者皆謂呼之不舞謂學人擬升堂歌呼之乃入舞謂學

子舞人令呼亦來入故

相尸禮

延其出入詔其生作春官

天府

祖廟之中沃盥執燭

盥音管疏曰小祝云大祭祀沃尸盥小臣大祭祀沃王盥此二官

所沃盥在祖廟中則天府為之執燭春官

太宰贊玉几

玉几所以依神天子左右玉几

與王平生同天官

疏曰享先王之几亦

九獻

裸 春祠夏禴裸用雞彝鳥彝秋嘗冬烝裸用斚彝黃

彝

裸謂以圭瓚酌鬱鬯始獻尸也后於是以璋瓚酌亞

裸雞彝鳥彝謂刻畫為雞及鳳凰之形準讀如稼稼目尊也爾雅曰彝白壘器也

典瑞裸圭有瓚以肆先

王以裸賓客

裸古亂反瓚才旱反肆如字又他歷反鄭司農云於圭頭為器可以挹鬯裸祭謂

之瓚故詩云瑟彼玉瓚黃流在中國語謂之鬯圭以肆先王灌先王祭也玄謂肆解牲體以祭因為名爵行

曰裸漢禮瓚槃大五升口徑八寸下有槃口徑一尺疏曰言裸言祭則裸據賓客祭據宗廟也詩曰瑟彼玉

瓚黃流在中者彼詩是美王季為西伯受殷王圭瓚之賜國語謂之鬯圭者按國語云臧文仲以鬯圭與磬

如齊告羅是也云爵行亦曰裸者皆據祭而言至於生
 人飲酒亦曰裸故投壺禮云奉觴賜灌是生人飲酒爵
 行亦曰灌也詳見祭器春官冬官玉人裸圭尺
 有二寸有瓚以祀廟注曰裸之言灌也或作裸或作果
 謂始獻酌奠也瓚如盤其柄用圭有流前注疏曰始獻
 酌奠也者小宰注云裸亦謂祭之啐之奠之以其尸不
 飲故云奠之按司尊彝注裸謂始獻尸郊特牲注云始
 獻神也者以其裸入獻於尸故云獻尸二灌主為降神
 故云獻神三注雖曰不同鬱人掌裸器裸器謂彝及
 其義一也詳見祭器
 曰司尊彝云春祠夏禴裸用雞彝鳥彝皆有舟故知彝
 有舟也禮記王制云諸侯賜圭瓚然後為冕故知裸器
 中有瓚瓚則兼凡祭祀之裸事和鬱鬯以實彝而陳之
 圭瓚璋瓚也
 疏曰云和鬱鬯者謂和鬯人所造秬黍之鬯酒也為宗
 廟用鬱者則肆師築鬱金草煮之以和鬯酒更和以盎

齊沙之以實彘陳凡裸王濯之陳之以贊裸事

裸王謂主瓚璋

瓚詔裸將之儀與其節

疏曰云裸將之儀者即是奉王送裸之威儀云節者即早晚時

節故兩言之云奉王謂王與后裸時奉瓚而酌鬱鬯云送裸者謂送之以授尸尸得祭之噉之奠之不飲者

凡裸事沃盥

疏曰凡言非一若賓客則大宗伯裸若祭祀王及后裸皆鬱人沃以水盥手及洗瓚

也春官肆師及果築鬯注曰鄭司農云築香草煮以為鬯也疏曰案禮記雜記築鬱白以掬杵以梧而築

鬱金煮以和秬鬯之酒以淳之而裸矣但鬱人自掌鬱此肆師察其不如儀者也果古亂反鬯音煮

小宰凡祭祀贊裸將之事

將送也裸送送裸謂贊王酌鬱鬯以獻尸為之裸裸之言

灌也明不為飲主以祭祀唯人道宗廟有裸天地大神至尊不裸莫稱焉凡鬱鬯受祭之啐之奠之天官

春官小宗伯凡祭祀以時將瓚果注曰將送也猶奉也祭祀以時奉而授王也天子圭瓚諸侯璋瓚疏曰小宰

云贊王裸將之事此小宗伯又奉而授王若此據授王彼小宰據贊王授尸天官內宰大祭祀后裸則贊注

曰謂祭宗廟王既裸而出迎牲后乃從君執圭瓚裸後裸也疏曰裸時以璋授后故云贊也

尸大宗執璋瓚亞獻統大宗亞裸容夫人有故攝焉祭

形如槃容五升疏曰以玉飾瓚故曰玉瓚以大圭為瓚柄故曰大圭

傳獻之屬莫重於裸統祭王入太室裸洛誥見有

虞氏之祭也尚用氣云云殷人尚聲云云周人尚臭

云云詳見前三代祭條下

楊氏曰愚案司尊彝疏曰王以圭瓚酌雞彝鬱鬯
始獻尸尸以灌地降神小宰注曰凡鬱鬯尸受祭
之啐之奠之此為灌神之一獻也后以璋瓚酌鬱
鬯亞裸內宰大祭祀后裸獻則贊注云王既裸而
出迎牲后乃從後裸也皆祭啐奠同上此為裸神
之二獻

朝踐

周禮司尊彝謂之朝踐
籩人醢人謂之朝事

既灌然後迎牲

郊特牲

坐

尸於堂

謂朝事時也朝事延尸於戶西
南面布主席東面郊特牲

外宗佐王后

薦玉豆眡豆籩

眡音視疏曰凡王之豆籩皆玉飾之餘云豆籩不云玉文略云薦豆不云籩

者以豆云玉略籩云眡豆籩者謂在堂東未設之時眡其實也春官世婦詔王后之禮事相外内宗之禮

事注曰詔禮事薦徹之節外内宗同姓異姓之女有爵佐后者天官九嬪贊后薦徹豆籩内宰正后之服位

而詔其禮樂之儀贊九嬪之禮事注曰薦徹之禮當與樂相應位謂房中户内及阼所立處贊九嬪助九嬪贊

后之事也疏曰服謂若内司服律衣以下六服皆正之天子之禮薦時歌清廟及徹歌雍是薦徹皆有樂但内

宰所詔唯詔禮經兼云樂者禮樂相應也又曰内宰助九嬪九嬪贊后籩人朝事之籩

其實饗黃白黑形鹽膾鮑魚鱠饗芳弓反黃符文反鱠所求反疏曰此言朝

事謂祭宗廟二灌之後祝延尸于户外后薦此八籩饗為熬麥黃為麻子白為熬稻米黑為熬黍米形鹽鹽似

虎形膳以魚肉為大臠鮑以魚於樞室模乾之鰯為乾魚 樞皮逼反 詳見祭物篇

醢人朝

事之豆其實韭菹醢醢昌本麋鵠菁菹鹿鵠茄菹麋鵠

韭音久菹莊魚反鵠乃兮反菁作寧反又音精茄音卯麋京倫反 三鵠亦醢也 有骨為鵠無骨為醢 菹菹之

類菜肉通全物若牒為菹細切為醢 牒章涉反 詳見祭物

夫人薦豆執校執醴

授之執鐙

校戶教反又戶交反又下卯反鐙豆下附也 疏曰校謂豆之中央

直者夫人薦豆之時手執此校執醴授醴之人者謂夫人獻尸以醴齊之時此人酌醴以授夫人至夫人薦豆

之時此人又執以授夫人是獻之與薦皆此人所掌故云執醴受醴之人執鐙謂授夫人以豆而執鐙也 祭

統

納牲詔於庭

疏曰牲入在庭以幣告神 禮器

大宗伯省牲饗

省悉井反鑊戶郭反

疏

大宰及納亨贊王牲事

音大

曰省視亨牲之鑊

春官

泰亨普庚反下同

音大

殺以授亨人凡大祭祀

納亨納牲將告殺謂鄉祭之晨既

內饗凡宗廟之祭祀掌割亨之事

疏曰言凡者謂四

時及禘祫并月祭等皆在其中

小雅信南山詩云執

其騫刀以啟其毛取其血管朱子注曰騫刀刀有鈴也

管脂膏也啟其毛以告純也取其血以告殺也取其管

以升

大司徒奉牛牲羞其肆

肆進也

疏陳骨體也元

臭也

謂進所肆解骨體

疏曰謂初牽入

地官

取脾骨燔燎報

陽也

脾音律骨力彫反燔音煩燎力妙

郊特牲

血毛詔於室

反

疏曰殺牲取血及毛入

禮器

腥其俎

謂豚解而腥

禮運

設祭

以告神於室

於堂

疏曰謂薦腥燔之時設此所薦饌在於堂禮器祭義燔祭腥注曰湯肉曰燔疏曰燔謂燔

肉而祭腥謂以腥肉而祭言薦脾膋之後以俎載燔肉腥肉而祭並當朝踐之節

升首於堂

制祭之後升牲首於北牖下尊首尚氣郊特牲周禮羊人割牲登其首疏云三牲之首俱升

其朝

踐用兩獻尊

獻注作犧素何反犧尊飾以翡翠春祠夏禴則用之朝踐謂薦血腥酌醴始行祭事

后於是薦朝事之豆籩既又酌獻其饗朝踐為朝獻若尊相因也

大宰贊玉爵

宗廟六享皆然

疏曰按明堂位獻用玉琖謂王朝踐饋獻酌尸時天官明堂位曰獻用玉琖仍雕注曰仍因也因爵之

形為之飾也

疏曰爵君酌酒獻尸極也琖夏后氏之爵名也天官內宰后獻則贊注曰獻謂王薦腥薦熟

后亦從後獻也而獻尸內宰贊后

疏曰獻謂朝踐饋獻后以玉爵亞王春官外宗贊王后獻注曰獻酒于

尸疏曰朝踐饋獻及醕尸以食後亦是獻獻中可以兼之

大合樂

疏曰據薦腥之後合樂之

時用之也

大司樂

楊氏曰愚按禮運疏云鄭注祭統云天子諸侯之祭朝事延尸於戶外是以有北面事尸之禮王親執鸞刀啟其毛而祝以血毛告於室故禮器云血毛詔於室祝乃取牲脾骨燎於爐炭入以詔神於室又出以墮於主前郊特牲云詔祝於室是也王乃洗肝於鬱而燔之以制於主前所謂制祭次乃

升牲首於室中置於北牖下后薦朝事之豆籩乃薦腥於尸主之前謂之朝踐即此禮運云腥其俎是也王乃以玉爵酌醴齊以獻尸三獻也后亦以玉爵酌醴齊以亞獻尸四獻也又案周禮內宰疏云堂上朝踐之節王出迎牲時祝延尸於戶外之西南面后薦八豆八籩王牽牲以入以血毛告訖以此腥其俎薦於神前王以玉爵酌醴齊以獻尸后亦以玉爵酌醴齊以獻尸二疏大畧皆同但后

薦豆籩有先後之異按籩人疏云祝延尸於戶外

后薦此八籩則當以內宰及籩人疏為正

饋獻

周禮司尊彝謂之饋獻籩人醢人謂之饋食特牲坐尸於堂注云至薦熟乃更延主於室之奧

尸來升席自北方坐於北馬疏曰尸主各席

大宗伯省釂

省釂視享腥熟春官

諸子正六牲之體

正謂禮載之疏見犧牲條下

孰其殽

殽戶交反謂體解

而燔之至饋食乃取

按此章退而合亨疏云前獻燔既未熟今

見之禮運

羹定詔於堂

疏曰羹肉湑也定熟肉也謂煮肉既熟將欲迎尸主入室乃先以俎盛之告神於堂

是薦熟未食之前也

籩人饋食之籩其實棗栗桃乾藻榛

實

稟古栗字落音老榛側中反堂上更體其犬豕牛羊烹熟之時后先薦之謂之饋

疏曰此朝踐薦腥後

食之遵也其八遵者棗一栗二桃三乾榛謂乾梅四榛實五桃梅棗三物各有濕有乾為八

詳見之祭物

醢人饋食之豆其實葵菹羸醢脾析麋醢蜃蜺醢豚

拍魚醢

醢呼在反羸力禾反脾婢支反析星歷反麋蒲佳反蜃市軫反拍音博

羸蜺蜃蜃大蛤蜺蜺

子脾析牛百葉麋胎也豚拍肩也

詳見祭物

舍人共

簋簋實之陳之

註疏見祭物簋音鬼

小宗伯逆齋

簋音咨疏曰知逆齋受

饔人之盛以入者案少牢饔饔在廟門之外明天子諸侯饔饔亦在廟門外今逆齋迎入向廟堂中實之於簋簋也春官小祝迎齋盛疏曰祭宗廟饋獻後尸將入室食小祝於廟門外迎饔人之齋盛於廟堂東實之

薦於神座前

外宗王后以樂羞盞則贊

疏曰羞進也盞黍稷也后進黍稷之

時依樂以進之則贊后者亦佐后進之豆籩與盞此官已贊九嬪又贊者以籩豆及黍稷器多故諸官共贊

春官稷器也

天官九嬪凡祭祀贊王盞注曰王盞王敦受黍稷器也疏曰凡祭祀者唯宗廟祫與四時月祭等贊

玉盞者祭祀之時男子進俎婦人進豆籩簠簠贊助后也

亨人共大羹鉶羹

鉶音

大羹肉湑鉶羹加鹽菜矣

既奠然後煇蕭合羶薌

煇如

詳見之於祭物庶羞條

既奠然後煇蕭合羶薌

疏曰既奠

悅反蕭音蕭羶音馨薌音香蕭薌蒿也

謂薦熟時也堂上事尸竟延尸戶內更從熟始也於薦熟時祝先酌酒奠於鉶羹之南訖尸未入於是又取香蒿染以腸脂合黍稷燒之馨香謂黍稷饋熟有黍稷此云蕭合黍稷是蕭與黍稷合詩云取蕭祭脂是蕭與脂合又此章取脾膾燔燎疏曰朝踐時取脾膾燔於爐

炭至薦熟之時更取脾管及蕭與黍稷合燒之

郊特牲

舉犖角詔妥尸

妥安也尸始入

舉奠犖若奠角將祭之祝則詔主人即妥尸使之坐尸即至尊之坐或不自安則以拜安之也天子奠犖諸侯

奠角郊特牲

其饋獻用兩壺樽

饋獻謂薦熟時后於是薦饋食之豆籩壺樽以壺為

樽春秋傳曰

直祭祝於主

謂薦熟時也直正也祭以熟為正疏曰言薦熟正

祭之時祝官以祝辭告於主若儀禮少牢敢用柔毛剛鬣用薦歲事於皇祖伯某是也

郊特牲

太

祝肆享則執明水火而號祝

肆享祭宗廟也明水火司烜所共日月之氣以給炁

享執之如以六號祝明此圭潔也

春官

量人凡祭祀制其從獻脯燔之

數量

量音亮或音良從獻者肉穀從酒也玄謂燔從於獻酒之肉炙也數多少也量長短也炙章夜

反疏曰祭禮獻以燔從按特牲少牢云主人獻尸以
肝從主婦獻尸以燔從故後鄭據此以為從獻以燔按
儀禮脯子臠各長尺二寸是多
少長短燔之數量未聞夏官

楊氏曰愚按儀禮特牲饋食士禮也少牢饋食大
夫禮也大夫士之祭不裸不薦血腥惟室中設尸
主東面行饋食禮天子諸侯饋食以前堂上設南
面位行裸鬯薦腥之禮而後延尸入室東面位行
饋食禮禮運疏云乃退而合亨至薦熟之時陳於
堂故禮器云設祭於堂乃後延尸入室中位徙堂

上之饌於室內座前祝以簋酌奠於饌南故郊特牲云天子奠簋諸侯奠角即此之謂也既奠之後又取腸間脂炳蕭合羶薌郊特牲註云奠謂薦熟時當此之時大合樂自此以後謂之接祭乃迎尸入室舉此奠掌主人拜以妥尸故郊特牲云舉掌角詔妥尸是也后薦饋獻之豆籩王以玉爵酌盞齊以獻尸祝以祝辭告神此五獻也后又以玉爵酌盞齊以獻尸此六獻也

朝獻

朝獻即食後醕尸之禮謂之朝獻者蓋以醕尸因朝踐之尊而得名與

其朝獻用

兩著罇

朝獻謂尸卒食王醕之著罇若著罍罇也或曰著罇著足無地明堂位曰著殷罇也秋嘗冬烝

則用著罇

司几筵設莞筵紛純加繅席畫純加次席黼純

註疏見祭祀先王昨席亦如之

昨讀曰酢謂王受酢之席尸卒食王醕之卒爵

祝受之又酌授尸尸酢王於是席王於戶內疏曰祀先王謂宗廟六享皆用上三種席王受酢之席亦如上

三種席

膳夫凡王祭祀則徹王之胾俎

膳夫親徹胾俎昨俎最尊

春官

也其餘則其屬徹之疏曰祭宗廟有胾俎若謂若特牲少牢主人受尸酢尸東西面設主人俎於席前王受

尸酢禮亦當

鬱人大祭祀與量人受舉斚之卒爵而

然天官

飲之

王此其卒爵

也少牢饋食禮主人受嘏尸懷之卒

爵執爵以興出宰夫以籩受啻黍主人嘗之乃還獻祝此鬱人受王之卒爵亦王出房時也必與量人若鬱人

贊裸尸量人制從獻之脯燔事相成疏曰此大祭祀云受嘏謂祭宗廟者也鄭知尊是受福之嘏非天子奠

尊殷爵名若按郊特牲云舉尊角詔妥尸其時無鬱人量人受爵飲之法唯有受嘏時受王卒爵飲之禮故知

尊為受福之嘏也此鬱人受王之卒爵亦王出房時也者大夫士有獻祝及佐食無獻鬱人量人法天子有獻

鬱人量人之禮無獻祝及佐食之事但其節同故引為證也云必與量人若鬱人贊裸尸量人制其從獻脯燔

之數量前裸後獻祭事乃成故云事相成也春官夏官量人凡宰祭與鬱人受尊歷而皆飲之注曰言宰

祭者冢宰佐王祭亦容攝祭主謂尊讀如嘏尸之嘏宰冢宰疏曰鄭云冢宰佐王祭亦容攝祭者義當兩合

按大宗伯云若王不與祭祀則攝位此據宗伯亦有故
則冢宰攝之後鄭云掌讀如嘏尸之嘏讀從少牢尸嘏
主人此有歷字者謂鬻人與量人歷皆飲之也楊氏曰
疏云有獻鬻人量人之法何也當受王卒爵之時王皆
飲之以酒此
尸飲五君洗玉爵獻卿皆以齒謂醕尸
疏所謂獻也
五獻也大夫士祭三獻而獻賓疏曰此據備九獻之
禮者主人醕尸故尸飲五也凡祭式獻裸用鬻羹尸祭
奠而不飲剗踐二獻饋食二獻及食畢主人醕尸此等
皆尸飲之故云尸飲五於此之時以玉爵獻卿其爵雖
同皆長者在先故云皆以齒云大夫士祭三獻而獻賓
若欲明諸侯獻賓時節與大夫士獻賓不同知大夫士
祭三獻而獻賓者特牲禮文下大夫不賓尸與士同亦
三獻而獻賓知者有司徹文其上大夫別行賓賓尸之
禮與此相異
也祭統

楊氏曰愚按儀禮注云諸侯尸十三飯天子尸十五飯尸食後王以玉爵酌朝踐之尊醴齊以醕尸為七獻也尸卒爵祝受之以酌授尸尸以酢王於是設昨席於戶內司几筵之祀先王昨席亦如之是也祝取少祭饌並黍稷以假福王王乃出量人與鬱人受舉掌之卒爵是也尸飲五王乃以玉爵獻卿此天子禮也諸侯醕尸尸酢主君亦設昨席於戶之東面此諸侯禮也

又曰按祭統尸飲五君洗玉爵獻卿以下所謂君者指國君言之先鄭註及疏家皆言王可以獻卿者蓋王獻諸臣無文此又約祭統以明王禮

再獻

按后醕尸謂之再獻者蓋以朝獻王一獻后未獻今后再醕尸而乃謂之再獻歟

其再

獻用兩象尊

再獻者王醕尸之後后酌再獻諸臣為賓又次后酌盞齊備卒食三獻也於后亞獻

內宗薦加豆籩其春祠夏禴則用象尊變再獻為饋內獻者亦尊相因象尊以象鳳凰或曰以象骨飾尊內

宰贊瑤爵

爵以瑤為飾疏曰內宰以瑤爵授后后親酌盞齊以醕尸又曰瑤爵謂尸卒食王既醕

尸后亞獻之者尸食後王以玉爵酌朝踐醴齊以醕尸謂之朝獻后亦於後以瑤爵酌饋獻時盞齊以醕尸謂

之再獻知后以瑤爵亞醕尸者約明堂位云爵用玉醑
仍彫加以璧散璧角食後稱加彼魯用王禮即知王醕
尸亦用玉醑后醕尸用璧角賓長醕尸用璧散彼云璧
此云瑤不同者瑤玉名瑤玉為璧形飾角口則曰璧角
角受四升爵為總號故鄭云
其爵以瑤為飾也
天官
加以璧角
疏曰朝獻竟

而夫人酌盞齊亞獻名為再獻又名為加於時薦加豆
籩也此再獻之時夫人用璧角內宰所謂瑤爵也
明

堂位
內宗掌宗廟之祭祀薦加豆籩
疏曰加爵之豆籩
曰以其食後稱加

春官
籩人加籩之實菱芡栗脯菱芡栗脯
疏曰菱芡也芡雞
頭栗與饋食

同
芡其寄反
疏曰此加籩當尸食後王醕尸后亞
王醕尸於時薦之四物重言之則八籩主人獻尸之時

不見有設籩之事故知唯主
於后也
詳見之祭物條
醯人加豆之實芹菹兔

醢深蒲醢醢落菹鴈醢筍菹魚醢

落音迨醢醢肉醬也

芹楚葵也玄謂深

蒲蒲始生水中子

疏曰亦與加蓬之實同時設之深

蒲謂蒲入水深以為菹

醢醢與朝事之豆同落箭萌一

名篠謂之落箭為菹也

筍竹萌一名蕩謂竹萌

尸酢

為菹也菹皆謂生新者也

詳見於祭物條

尸酢

夫人執柄夫人受尸執足

疏曰尸酢夫人執柄者爵為雀形以尾為柄夫人獻尸尸

酢夫人尸則執雀尾授夫人也

夫人授尸執

加以璧

足者夫人受酢於尸則執爵足也

祭統

加以璧

散

加加爵璧散以璧飾其口也

疏曰璧散者夫人再

明堂

司尊彝春祠夏禴皆有壘諸臣之所昨也秋嘗

冬烝皆有壘諸臣之所昨也

昨為酢即用壘尊

疏曰尸酢賓長三酒之中清酒

以自酢是不敢與王之神
靈共酒尊也

詳見上文

尸飲七以瑤爵獻大夫皆

以齒

疏曰獻卿之後乃主婦酌尸酌尸畢賓長獻尸是尸飲七也乃瑤爵獻大夫是正九獻禮畢初二裸

不飲故云尸

祭統

楊氏曰愚按禮運疏云於是后以瑤爵酌饋食盞

齊以醕尸為八獻也尸酢后如王之禮所謂小臣

徹后之俎是也祭統云尸酢夫人執柄此諸侯夫

人禮也諸侯為賓者以瑤爵酌盞齊以獻尸為九

獻諸臣獻者酌壘以自酢司尊彝云皆有壘諸臣

之所昨是也於時尸飲七王可以瑤爵獻大夫

右九獻

程子曰祭法中用九奠以禮有九獻樂有九奏也
又曰古之樂九奏乃是九獻

陳氏禮書曰先儒謂大祫十有二獻四時與禘九
獻上公亦九獻侯伯七獻周官掌客諸侯長十有
再獻行人上公再裸享禮九獻侯伯一裸七獻子
男一裸五獻諸侯之卿各下其君二等以下及其

大夫士皆如之及禮器有五獻之尊郊特牲有三
獻之介則享賓祀神之獻數固不異矣然祫雖大
於時祭而禘又大於祫宜亦十二獻先儒以禘小
於祫非也行人上公再裸而裸不預於九獻侯伯
子男一裸而裸亦不預於七獻五獻則先儒以二
裸在九獻之內非也司尊彝朝踐用兩尊皆有罍
饋食用兩尊皆有罍籩人醢人有朝踐之籩豆有
饋食之籩豆有加籩加豆則朝踐王獻后亞之諸

臣之所昨三獻也饋食王獻后亞之諸臣之所昨六獻也醕尸三九獻加爵不與焉此宗廟九獻之禮也夫卒食必有醕曾子問言侑醕是侑食然後有醕也樂記言執醬而饋執爵而醕是饋食然後有醕也特牲少牢之祭皆曰饋食而獻皆曰醕尸則大夫士無朝獻饋獻之禮特醕尸於饋食之後而已然士禮主人主婦賓三獻又加爵三長兄弟賓長利獻之也下大夫主人主婦賓又獻又加爵

二賓長與利獻之也上大夫特主人主婦賓三獻而已蓋士與下大夫無賓尸故有加爵上大夫有賓尸故無加爵天子諸侯有繹祭又有加爵記所以隆於尊者也春秋之時楚子入享於鄭九獻加籩豆六品季孫宿如晉晉侯享之有加辭曰小國之事大國也得貺不過三爵今豆有加下臣弗堪則加豈卑者之所預乎士與下大夫有加其代賓尸可知也周官朝事饋食之籩豆后薦之加爵之

籩豆內宗薦之則加以璧散璧角亦諸臣獻之可

知也

卑者獻以散

士之飲禮止於一獻而祭有三者攝

盛也士加爵三而下大夫加爵二者厭降也書曰

大保秉璋以酢孔安國謂報祭曰酢蓋獻始事也

酢成事也諸臣之於禮成之而已故獻皆曰酢

黃氏曰先鄭推次朝踐朝獻饋獻再獻為九酌王

與后各四諸臣一義皆可觀存之以待作者

楊氏曰愚案司尊彝所述與先鄭所註裸二獻朝

踐二獻饋食二獻朝獻一獻再獻二獻則九獻之
目也籩人醢人有朝事饋食之籩之豆則九獻薦
籩豆之時也禮運則論九獻之義也又案四時之
祭名既不同禮必有異今其可見者惟尊彝之殊
用耳於經無其文者皆不可知也姑據經所可見
者著之於篇 又按陳氏曰周官行人上公再裸
而酢饗禮九獻而裸不預於九獻諸侯一裸而酢
享禮七獻而裸亦不預於七獻先儒以二裸在九

獻之內非也蓋嘗考之古禮闕亡殘編斷簡之僅
存者如祭禮有二裸有朝踐有饋獻有醕食此可
得而知也其間禮之節文詳畧多寡禮經無明文
此不可得而知者也先鄭謂二裸王與后各一朝
踐王與后各一饋獻王與后各一醕尸王與后各
一又諸臣一為九獻求之禮經尚有明證故先儒
多從之今固不得遽以為非陳氏所引周官行人
謂二裸在九獻之外此固有所據謂朝踐三獻饋

食三獻醕尸三獻似亦可通但以諸臣之所酢為報祭而引太保秉璋以酢為證則恐不然夫尊重而疊輕如先鄭謂諸臣酌疊以自酢不敢與神靈共尊則可謂諸臣以疊報祭於神靈而不以尊則於理為不通矣二說當並存之以待作者 又按九獻之禮春祠夏禴用兩獻尊象尊秋嘗冬烝用兩著尊壺尊凡四時之間祀追享朝享謂禘祫也用兩大尊山尊經有明文不待言矣但所謂九獻

者謂王及后裸各一朝踐各一朝獻王醑尸一再
獻后醑尸一此為八獻諸臣為賓醑尸一并前八
為九是禮也春祠夏禴秋嘗冬烝追享朝享莫不
皆然今經獨於春祠夏禴言朝踐再獻秋嘗冬烝
言朝獻饋獻何也蓋互文以見義也春夏言朝踐
秋冬言朝獻欲見朝獻因朝踐之尊鄭註所謂尊
相因也春夏言再獻秋冬言饋獻欲見再獻因饋
獻之尊鄭註所謂亦尊相因是也今作二圖以見

之其追享朝享別有圖見祫祭禮

春祠夏禴九獻圖

禮運疏崔氏云四時之祭惟二齊三酒二齊醴盎也故鄭註司尊彝四時祭法但醴盎而已用二齊者朝踐王酌醴齊后亦酌醴齊饋食王酌盎齊后亦酌盎齊朝獻王還用醴齊再獻后還用盎齊亦尊相因也諸侯為賓酌盎齊賓長酌尸酢用清酒加爵用三酒

二彝 雞彝盛明水 鳥彝盛鬱鬯

二齊 獻尊盛醴齊 象尊盛盎齊

裸 王一獻

裸用烏彝

后二獻

裸用烏彝

朝踐

王三獻

用獻尊醴齊

后四獻

用獻尊醴齊

饋獻

王五獻

用象尊盎齊

后六獻

用象尊盎齊

朝獻

王七獻

因朝踐獻尊醴齊

再獻

后八獻

因饋獻象尊盎齊

賓九獻

用象尊盎齊

尸飲九以散爵獻士及羣有司皆以齒明尊卑之等也

散悉但反

疏曰九獻禮畢自此以後長賓長兄弟更為加爵尸又飲二是并前尸飲九主人乃散爵獻士及

羣有司也 祭統 楊氏曰九獻之後謂之加爵特牲
禮長兄弟衆賓長及佐食有三加爵則天子諸侯亦有
加爵明堂位云加以璧散是也又特牲禮云加爵之後
有嗣子舉奠文王世子謂之上嗣舉奠天子之禮亦當
然也 禮運 崔氏疏云天子九獻魯及王者之後亦
九獻侯伯七獻朝踐及饋熟君皆不獻於九獻之中減
二故為七獻子男五獻亦以朝踐饋熟君皆不獻但酌
尸一獻而已禮器曰太廟之內敬矣君親牽牲大夫贊
幣而從君親制祭夫人薦盞又君親割牲侯伯子男之君朝
踐君不獻故夫人薦盞又君親割牲夫人薦酒 疏曰
君親割牲夫人薦酒者謂薦熟時君親割牲體於時君
亦不獻故夫人薦酒又按特牲少牢饋食之禮主人主
婦及賓備行三獻況祭禮以饋熟為正上而天子下而
大夫士祭禮皆有獻今云侯伯子男饋熟時皆無獻於
理不通聖人制禮文理密察自有隆
殺之宜必不如疏家所說之疎也

右九獻之後加爵

太祝既祭令徹

疏曰祭訖尸謾之後太祝命徹祭器即詩云諸宰君婦廢徹不遲是也春官

樂師及徹帥學士而歌徹

學士國子也鄭司農云將徹之時自有樂帥學士而

歌徹立謂徹者歌雍疏曰但學士主舞瞽人主歌今云帥學士而歌徹者歌徹之時歌舞俱有謂率學士使

之舞歌者自是令相相去聲令視瞭扶工瞭音了瞽人歌雍詩也

以其瞽人無目而稱工故令視瞭扶工也同上論語八佾以雍徹朱子註曰雍周頌篇名徹祭畢而收其

俎也天子宗廟之祭則歌雍以徹春官外宗佐王后薦玉豆眡豆籩及以樂徹亦如之內宗及以樂徹則

佐傳豆籩疏曰豆籩后於神前徹之傳與外宗外宗傳與內宗內宗傳與外者故知佐傳也世婦九嬪內

宰贊徹豆籩互見朝踐條註 天宮內小臣徹后
俎 疏曰謂后于東房中受尸酢之俎內小臣徹之

右徹

濟濟蹌蹌絜爾牛羊以往烝嘗或剝或亨或肆或將祝

祭于祊祀事孔明

祊補彭反 祊門內也箋云孔甚也 孝子不知神之所在故使祝博求之

平生門內之旁待賓客之處祀禮於是甚明 小雅楚
茨詩祝祭於祊在門內之旁 楊氏曰祊有二有祭日之祊有明日繹祭之祊楚
待賓客之處乃祭日之祊也

右祝祭于祊

傳夫禮之初始諸飲食其燔黍捭豚汙尊而抔飲蕢

桴而土鼓猶若可以致其敬於鬼神

言其物質畧有齊敬之心則可

以薦羞於鬼神中古未有釜甑釋米俾肉加於燒石之上而食之耳今北狄猶然汙尊鑿地為尊抔飲手掬之也普讀為山苦對反山逼也

謂搏土為桴也土鼓築土為鼓也

及其死也升屋而

號告曰臯某復然後飯腥而苴熟

疏曰後世漸文及其身之死也升上

屋而號呼北面告天曰臯臯引聲之言某謂死者名令其反復魄不復然後浴尸而行含禮於含之時飯用生稻之米故云飯腥用上古未嘗有火化之法苴熟者至欲葬遣奠之時而用苞裹熟肉以遣送尸法中古修火化之法也伏羲為上

故天望而地藏也體

古神農為中古五帝為上古

魄則降知氣在上

疏曰天望謂始死望天而招魂地藏謂葬地以藏尸體魄則降所以

地藏知氣在上所以望天而招魂

故死者北首

首陰也

生者南鄉

鄉陽也

皆從其初

謂取法於上古中也

昔者先王未有宮室冬則居

營窟夏則居橧巢

寒則累土暑則聚薪柴居其上

未有火化

食腥也

食

草木之實鳥獸之肉飲其血茹其毛未有麻絲衣其

羽皮

此上古之時也

後聖有作

謂中古之後聖人作興

然後修火之利

熟治萬物

范金

鑄作器用

合土

謂和合其土燒以作器如有虞氏瓦棺泰有虞氏之尊之類

以為臺榭宮室牖戶以炮

裏燒之也

以燔

加於火上

以亨

煮之也

以炙

貫之以火上

以為醴酪治其麻絲以為布帛以養生送

死以事鬼神上帝皆從其朔

朔亦初也謂倣效中古以來

故玄酒

在室醴醖在戶粢醖在堂澄酒在下陳其犧牲備其

鼎俎列其琴瑟管磬鐘鼓修其祝嘏以降上神與其

先祖以正君臣以篤父子以睦兄弟以齊上下夫婦

有所是謂承天之祜

醖音體於古及其事義也

此言今禮饌具所因於古及其事義也

之誤也周禮五齊一曰泛齊二曰醴齊三曰盎齊四曰醕齊五曰沈齊字雖異醖與盎澄與沈蓋同物也

奠之不同處重古畧近也祝祝為主人享神辭也嘏

祝為尸致福於主人之辭也祜福也福之言備也

泛芳紉反為於偽反疏曰玄酒謂水也太古無酒以水當酒所用故謂之玄酒以今雖有五齊三酒貴

重古物故陳設之時在於室內而近北醴醢在戶醴謂禮齊醢謂盞齊以其後世所為賤之陳列雖在室內稍南近戶案醢在堂者以卑之故陳列又南近戶而在堂澄酒在下者澄謂沈齊也酒謂三酒事酒昔酒清酒之等稍卑之故陳在堂下也陳其犧牲者按特牲禮陳鼎於門外北面獸在鼎南東首犧牲在獸西北首其天子諸侯夕省牲之時亦陳於廟門外橫行西上備其鼎俎者以牲薦於鑊鑊在廟門之外鼎隨鑊設各陳於鑊西取牲醴以實其鼎而入設於阼階下南北陳之俎設於鼎西以次載於俎也故云備其鼎俎列其琴瑟者琴瑟在堂而登歌故書云搏拊琴瑟以詠是也管磬鐘鼓者堂下之樂則書云下管鼗鼓笙鏞以間是也其歌鐘歌磬亦在堂下祝謂以主人之辭享神嘏謂祝以尸之辭致福而嘏主人也指其精氣謂之上神指其亡親謂之先祖以正君臣者祭統云君在廟門外則疑於君入廟門則全於臣

是也以篤父子者祭統云尸南面父北面而事之是也
也以睦兄弟者祭統云昭與昭齒穆與穆齒特牲云
主人洗爵獻長兄弟衆兄弟是也以齊上下者祭統
云尸飲五君洗玉爵獻卿尸飲七以瑤爵獻大夫是
也夫婦相致爵是也云醖與盎澄與沈蓋同物若以酒
正文醖醖之間有盎此醖醖之間有醖又周禮醖齊
之下有沈齊此醖齊之下有澄齊故也按此注澄是
沈齊按酒正註澄酒是三酒二註不同故趙商疑而
致問鄭答之云此本不誤轉寫益澄字耳如鄭所答
是轉寫酒正之文誤益澄字當云酒三酒也則是與
禮運註同然按坊記云醖酒在室醖酒在堂澄酒在
下示民不淫也注云淫猶貪也又以澄為清酒田瓊
疑而致問鄭答之云禮運云醖醖醖澄各是一物皆
不言酒故推其意澄為沈齊酒為三酒坊記云醖也
醖也澄也皆言酒故因註云澄酒清酒也其實沈齊

也如鄭此言坊記所云醴酒醖酒五齊亦言酒則澄酒是沈齊也是五者最清故云澄酒非為三酒之中清酒是與禮作其祝號玄酒以祭薦其血毛腥其俎運不異也

熟其穀與其越席疏布以冪衣其滌帛醴醖以獻薦

其燔炙君與夫人交獻以嘉魂魄是謂合莫

越音活冪莫歷

反衣於既反疏曰玄酒以祭薦其血毛腥其俎此是用上古也熟其穀以下用中古也作其祝號者謂

造其鬼神及牲玉美號之辭祝史稱之以告鬼神故云作其祝號玄酒以祭者謂朝踐之時設此玄酒於

五齊之上以致祭鬼神此重古設之其實不用以祭也薦其血毛者亦朝踐時延尸在堂祝以血毛告於

室也腥其俎者亦謂朝踐時既殺牲以俎盛肉進於尸前也熟其穀者穀骨體也熟謂以湯燭之以其所

燭骨體進於尸前也與其越席至牀帛皆謂祭初之時越席謂蒲席疏布謂簾布若依周禮越席疏布是祭天之物此經云君與夫人則宗廟之禮也此蓋記者雜陳夏殷諸侯之禮故雖宗廟而用越席疏布也衣其薺帛者謂祭服練帛染而為之醴醢以獻若朝踐之時用醴饋食之時用醢薦其燔炙者謂燔肉炙肝按特牲禮主人獻尸賓長以肝從主婦獻尸賓長以燔從則此君薦之用炙也夫人薦用燔是也詩楚茨云或燔或炙鄭云燔燔肉也炙炙肝也君與夫人獻第一君獻第二夫人獻第三君獻第四夫人獻其君與夫人交錯而獻也設此在上祭祀之禮所以嘉善於死者之魂魄是謂合莫莫謂虛無寂寞言死者精神虛無寂寞得生者嘉善而神來歆享是生者和合於寂寞但禮運之作因魯之失禮孔子乃為廣陳天子諸侯之事及五帝三王之道其言雜亂或先或後其文不次舉其大綱不可以一代而定其法制

又不可以一槩而正其先後也若審此理則無所疑惑

然後退而合亨體其犬

豕牛羊實其簋簠籩豆銅羹祝以孝告嘏以慈告是

謂大祥

銅音刑祭末獻賓並祭竟燕飲享食賓客兄弟也退

疏曰此謂祭饋之節供事鬼神及

而合亨者前明薦燭既未熟今至饋食乃退取燭肉更合亨之令熟擬更薦尸又尸俎唯載右體其餘不載者及左體等亦於鑊中亨煮之故云合亨體其犬豕牛羊者亨之既熟乃體別骨之賁賤以為衆俎知非尸前正俎者以此經所陳多是祭末之事若是尸前正俎當云是謂合莫不得云是謂大祥既是人之祥善故為祭末享燕之衆俎也實其簋籩籩豆銅羹若此舉事尸之時所供設也若籩豆亦兼據賓客及兄弟之等故特牲少牢賓及衆此禮之大成也賓兄弟之等皆有籩豆及俎是也

設朝事燔燎羶薌見以蕭光以報氣也薦黍稷羞

肝肺首心見間以俠甒加以鬱鬯以報魄也

見依注作甒音

間廁之間徐古辨反俠古洽反甒音武

朝事謂薦

血腥時也薦黍稷

所謂饋食也見及見間皆當為甒

字之誤也

之節也朝事謂早朝祭事燔燎謂取脾骨燎於爐炭

羶謂馨香見以蕭光謂見甒甒謂雜也光謂氣也謂

燔脾骨兼蕤蕭蒿是雜以蕭氣是以報氣也羞進也

殷祭以肝周祭以肺有虞氏以首夏后氏以心皆謂

祭黍稷之時兼此物祭也見間以俠甒者言祭黍稷

之時雜以兩甒醴酒加以鬱鬯者言非但薦熟是報

魄初所加鬱鬯亦是報魄以魄在地下鬱鬯灌地雖

然是祭初亦是報蓋不當薦

熟之時以故云加也

祭義

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

祭之日君牽牲穆答

君卿大夫序從

從木用反曰祭廟君牽牲之時子姓對君共

疏

疏

牲卿大夫序從者卿大夫佐幣士奉鬯依次第而從君也

既入廟門麗於碑卿大

夫袒而毛牛尚耳鬻刀以刲取脾腎乃退燔祭祭腥

而退敬之至也

袒徒旦反刲苦圭反脾音律燔音燔麗猶繫也毛牛尚耳以耳毛為上

也脾腎血與腸間脂也燔祭祭腥祭燔肉腥肉也湯

肉曰燔

疏曰麗繫也君牽牲入廟繫著中庭碑也

以供鬻刀刲割牲體又取血及腸間脂血以供薦而腎

所以供炙肝及藝蕭也乃退者謂殺牲竟而取卿大夫

所封血毛脾腎薦之竟而退也燔祭祭腥者燔謂燔

肉而祭腥謂以腥肉而祭言薦脾腎之後以俎載燔

肉腥肉而祭祭事既卒而退是恭敬之至極也又曰

按說文及字林云脾血祭腎是牛腸間脂也其祭腥

肉爛肉並當朝
踐之節 祭義

君純冕立於阼夫人副禕立於東

房君執圭瓚裸尸大宗執璋瓚亞裸及迎牲君執紼

卿大夫從士執芻宗婦執盎從夫人薦浼水君執鸞

刀羞噲夫人薦豆此之謂夫婦親之

禕音輝瓚才但反紼直忍反又

以忍反從才用反芻初俱反盎烏浪反從夫人絕句

一讀以從字絕句浼舒銳反徐音歲蓋齊本亦作噲

才細反太廟始祖廟也圭瓚璋瓚裸器也以圭璋

為柄酌鬱鬯曰裸疏曰大宗執璋瓚亞裸者大宗

主宗廟禮者以亞裸之禮夫人親為之此不云夫人

而云大宗者記者廣言容夫人有故故大宗伯代夫

人行禮執璋瓚亞裸之禮君執紼者紼牛鼻繩君自

執之入繫於碑卿大夫從者謂卿大夫從驅之及殺

與幣告也士執芻者芻謂藁也以其殺牲用芻藁藉之宗婦執盎從者謂同宗之婦執盎以從夫人夫人薦泔水者泔即盎齊由自濁用清酒以泔沛之泔水是明水宗婦執盎齊從夫人而來奠盎齊於位夫人乃就盎齊之尊酌此泔齊而薦之者因盎齊有明水連言水耳上云夫人副禕此則上公之祭宜有醴齊盎但言盎者畧言之亦容侯伯子男之祭但有盎齊無醴齊也故執盎從君執鶩刀羞齊者齊肝肺也齊有二時一是朝踐之時取肝以簋貫之入室燎於爐炭出薦之主前二是謂饋熟之時君以鶩刀割制之羞齊肺橫切之使不絕亦奠於俎上尸並齊之故云羞齊一云羞進也謂君用鶩刀制此齊肉以進之故云鶩刀羞齊於君羞齊之時夫人薦此饋食之豆君親執紉及鶩刀羞齊是夫親之也夫人薦泔水及羞豆是婦親之也

天道至教聖人至德

疏曰天道用教故云夫婦親之

以示人聖人則

放之以為德故君立於阼以象日夫人在西房以象月

廟堂之上壘尊在阼犧

尊在西廟堂之下縣鼓在西應鼓在東

縣音玄禮樂之器尊西

也犧周禮作獻

獻素河反

疏曰犧尊貴於壘尊

而犧尊西縣鼓大於應鼓而縣鼓在於西故云禮樂

之器尊西又曰壘尊在阼謂夫人在西故云禮樂

謂君所酌也縣鼓謂大鼓也在西方而縣之應鼓謂

小鼓也在東方而縣之熊氏曰此諸侯時祭所用之

禮故壘尊夫人所酌也若天子之祭則壘尊在堂下

故禮運云澄酒在下酒謂三酒在堂下司尊君在阼

彝云皆有壘諸臣之所酌則君不酌壘也

夫人在房人君尊東也天子諸侯有左右房疏曰

顧命云天子有左右房此云夫人在房又

云夫人東酌壘

尊是西房也

大明生于東月生於西此陰陽之分

夫婦之位也君西酌犧象夫人東酌罍尊

象日出東方而西行

也月出西方禮交動乎上樂交應乎下和之至也

疏曰

堂之上至禮樂交相應會

詔祝於室坐尸於堂

謂朝

和諧之至極也

禮器

事時也朝事延尸

於戶西南面布主席東面取牲脾

管燎於爐炭洗肝

於鬱鬯而燔之以詔神於室又

出以墮於主前

主人親制其肝所謂制祭也時尸薦

以籩豆至薦熟乃更

延主於室之奧尸來升席自北

方坐於主北馬墮

用牲於庭

謂殺之時

升首於室

制祭之後

許恚反或許垂反

升牲首於北牖

直祭祝於主

謂薦熟時也如特牲少

牢饋食之也直正也祭

以熟為正則血腥之屬盡敬心耳

疏曰薦熟正祭

之時祝官以祝辭告於主若儀禮少牢敢用柔毛剛

鬣用薦歲事於皇祖伯某是也

索祭祀於祊

索求神也。廟門曰祊。謂之祊者，以於繹祭名也。

疏曰：

凡祊有二種，一是正祭之時，既設祭於廟，又

求神於廟門之內。詩楚茨云：「祝祭於祊，門內平生待

賓之處，與祭同日也。」二是明日，繹祭之時，設饌於廟

門外西室，亦謂之祊。今此索祭於祊，當是正祭日之

祊，不知神之所在於彼乎於此乎？

室與堂與，與音餘，下同。

或諸

遠人乎祭於祊，尚曰求諸遠者與？

幾也。疏曰：或遠

尚庶

離于人，不在廟乎？尚是庶幾也。言正祭之時，祭於廟

祊者，庶幾求於遠處者與？言於遠處求神也。

郊特

牲，禮器納牲，詔於庭，血毛詔於室。羹定，詔於堂。三

詔皆不同位。蓋道求而未得也。疏曰：牲入在庭，以

幣告神，故云詔於庭。殺牲取血及毛，入以告神於室。

羹肉，湑也。定熟肉也。謂煮肉既熟，將欲迎尸，主入乃

先以俎盛之告神於堂道言也所以三詔皆不
同位者蓋言求而未之得也故於三處告之

及

入舞君執干戚就舞位君為東上冕而總干率其羣

臣以樂皇尸是故天子之祭也與天下樂之諸侯之

祭也與境內樂之冕而總干率其羣臣以樂皇尸此

與境內樂之之義也

註君為東上近主位也皇君也言君尸者尊之疏曰祭時天

子諸侯親在舞位以樂皇尸也

夫祭有三重焉獻之屬莫重於裸聲

莫重於升歌舞莫重於武宿夜此周道也

疏曰祭祀之禮有三

種可重之事舞莫重于武宿夜者武宿夜是武曲之名是衆舞之中無能重于武宿夜之舞皇氏云師說

書傳云武王伐紂至於商郊停止宿夜士卒皆歡樂
歌舞以待旦因名焉武宿夜其樂亡也熊氏云此即
大武之凡三道者所以假於外而以增君子之志也
樂也

故與志進退志輕則亦輕志重則亦重輕其志而求
外之重也雖聖人弗能得也是故君子之祭也必身
自盡也所以明重也道之以禮以奉三重而薦諸皇

尸此聖人之道也

疏曰三種所重之道皆假借外物
而以增益君子內志裸則假於鬱

冕歌則假於聲音舞則假於
干戚皆是假於外

祭統

清廟之瑟朱絃而疏

越一唱而三嘆有遺音者矣

疏曰清廟之瑟謂歌清
廟之詩所彈之瑟朱絃

謂練朱絲為絃練則聲濁也越謂瑟底孔也疏通之
使聲遲故云疏越絃聲既濁瑟音又遲是質素之聲
非要妙之聲以其質素初發首一倡之時而唯有三
人數之是人不愛樂然以其責在於德所以有餘遺
之音念之不忘也樂記尚書大傳曰古者帝王
升歌清廟清廟樂章名大琴練絃達越大瑟朱絃達
越以韋為鼓謂之搏拊何以也練絃朱絃互文也越
下孔也凡練絃達越搏拊者象其德寬和君子有大
人聲不以鐘鼓字瑟之聲亂人聲清廟升歌者歌先
人之功烈德澤也故欲其清也烈業也其歌之呼也
呼出聲也曰於穆清廟於若歎之也穆者敬之也清
者欲其在位者徧聞之也故周公升歌文王之功烈
德澤苟在廟中見文王者歎然如見文王故詩云肅
書曰搏拊琴瑟以詠祖考來假此之謂也詩云肅
雍和鳴先祖是聽夫肅肅敬也雍雍和也云聖人作

為鞀鼓控揭璫荒此六者德音之音也

鞀音挑控苦江反揭苦瞎

反

六者為本以其聲質也控揭謂祝敵也璫荒或為璫璫璫恤尹反荒音巨

然後鐘

磬字瑟以和之干戚旒狄以舞之此所以祭先王之

廟也所以獻酬醕酢也

仕和如字徐戶卧反醕音久又疏曰既用質素為

本然後用此鐘磬字瑟華美之音以贊和之使文質相雜干楯也戚斧也狄羽也聲既文質備足又用干戚旒狄以舞動之前云鄭宋齊衛四者為祭祀之不用故此六器為道德之音四器之和文武之舞並可用於宗廟之中奏之若樂九變而鬼神格也所以獻酬醕酢者又於宗廟中按納賓客也賓入而奏肆夏及卒爵而樂闋孔子屢歎之是也

楊氏曰愚按九獻祭之正也其間節文又有因傳記可以參互見者掇拾以著之於篇

君卷冕立於阼夫人副褱立於東房夫人薦豆執校執醴授之執鐙尸酢夫人執柄夫人受尸執足夫婦相授

受不相襲處酢必易爵

卷古本反處昌慮反疏曰上公之夫人故副褱立於東房若

其餘夫人則不副褱也夫婦相授受不相襲處者謂夫婦交相致爵之時襲因也其執之物不相因故處若夫婦交相致爵不執故處以明男女有別酢必易爵者謂夫婦交相致爵之時主人受主婦之酢易換其爵故特牲主人受主婦之酢爵更爵酢鄭注云主人更爵自酢男子不承婦人爵即引此文云夫婦相授受不相襲處

酢必易
爵也

右致爵

楊氏曰愚按特牲饋食禮主婦致爵於主人卒爵
主婦出反於房主人降洗酌致爵於主婦主婦拜
受爵諸侯夫人以上致爵經無其文此因祭統上
文若卷冕立於阼夫人副褱立於東房下文有酢
必易爵之文知諸侯夫人亦有致爵之禮

籩人羞籩之實糗餌粉簋

簋昨資反 羞籩謂若少牢
主人酬尸宰夫羞房中之羞

於尸侑主人主婦皆右之者玄謂此二物皆粉稻米黍
米所為也合蒸曰餌餅之曰饗饗者擣粉熬大豆為餌
資之黏著以粉之耳餌言糗饗言粉互相足疏
曰此當王酬尸內饗進之於尸侑等也天官醢
人羞豆之實酏食糝食酏食音嗣糝素感反玄謂酏
小切狼臠膏以與稻米為饗又曰糝取牛羊豕之肉三
如一小小切之與稻米稻米二肉一合以為餌煎之餐
之然反搔思柳反溲所柳反臠昌蜀反一
音粟疏曰亦與羞籩之實同時設之

右羞

楊氏曰愚案儀禮有司徹主人酬尸之後尸侑主
人皆升筵乃羞宰夫羞房中之羞於尸侑主人主

婦皆右之司士羞庶羞於尸侑主人主婦皆左之
今按籩人醢人有羞籩羞豆之實則知天子之禮
亦有羞諸侯亦必有之但經文不備耳

司士凡祭祀及賜爵呼昭穆而進之

此賜爵神惠及下也所謂王之子姓

兄弟祭統曰凡賜爵昭為一穆為一昭與昭齒穆與穆齒凡羣有司皆以齒此之謂長幼有序疏曰姓生也子之所生則孫及兄弟皆有昭穆引祭統者是諸侯法明天子亦然凡言昭穆在助祭之中者皆在東階前南陳就昭穆之中皆年長者在上年幼者在下故云齒也云及賜爵者謂祭末旅酬無算爵之時皆有酒爵賜及之皆以昭穆為序也祭統凡賜爵昭為一穆為一云註曰昭穆猶特牲少牢饋食之禮衆兄弟也羣有司

猶衆賓下及執事者君賜之爵謂若酬之疏曰爵酒
爵也謂祭祀旅酬時賜助祭者酒爵故云賜爵昭為一
穆為一者言君衆兄弟子孫等在昭列者則為一色在
穆列者自為一色各自相旅尊者在前卑者在後若同
班列則長者在前少者在後是昭與昭齒穆與穆齒
祭統坊記因其酒肉聚其宗族以教民睦也註曰言
祭有酒肉羣昭羣穆皆至而獻酬之咸有薦俎疏曰
謂因其祭祀之酒肉於祭祀之末聚其宗族昭穆相獻
酬教民相親睦也

凡為俎者以骨為主骨有貴賤殷人貴髀

周人貴肩凡前貴於後俎者所以明祭之必有惠也是
故貴者取貴骨賤者取賤骨貴者不重賤者不虛示均
也髀必氏反又必履反重直龍反殷人貴髀為其厚
也周人貴肩為其顯也凡前貴於後謂脊脅臂臑之

屬 臠乃報反 疏曰凡為俎者以骨為主者俎謂助祭者各將物於俎也殷人貴髀周人貴肩若殷貴髀之厚賤肩之薄周文貴肩之顯賤髀之隱各隨所貴凡前貴於後者據周言之以周人之貴肩故也貴者不重賤者不虛示均也若言貴者不持多而重賤者不虛而無分俎多少隨其貴賤是示均平也又曰此脊脅臂臠而舉其貴者言之屬中也其賤者不云肩者以經云周人貴肩故此畧之前體臂臠為貴後體膊胛為賤就脊脅之中亦有貴賤正脊在前為貴臠脊橫脊在後為賤脅則正脅在前為貴短脅為賤故總云之屬以包之 祭統

右旅酬賜爵

其登餼受爵則以上嗣

餼音俊 上嗣君之適長子以特牲饋食禮言之受爵謂上嗣

舉奠也獻謂舉奠洗爵酌入也餼謂宗人遣舉奠盥祝
命之餼也大夫之嗣無此禮辟君也適丁歷反盥音

管疏曰按少牢饋食無嗣子舉奠大登餼受爵以上

夫尊於士而不舉奠故知辟正君也登餼受爵用適子也

嗣尊祖之道也疏曰此覆釋所以登餼受爵用適子也

爵謂上嗣舉奠也已見上文再獻條註
登餼謂宗人遣舉奠盥祝命之餼也

右登餼受爵

傳夫祭有餼餼者祭之末也不可不知也是故古之

人有言曰善終者如始餼其是已是故古之君子曰

尸亦餼鬼神之餘也惠術也可以觀政矣疏曰初薦

毛血燔燎

是薦於鬼神至薦熟時尸乃食之是尸餽鬼神之餘
若大夫士陰厭亦是先薦鬼神而後尸乃食亦尸餽
鬼神餘故并云尸亦餽鬼神之餘也術猶法也尸是
餽鬼神之餘是施恩惠之術法也施始豉反

故尸謬君與卿四人餽君起大夫六人餽臣餽君之
餘也大夫起士八人餽賤餽貴之餘也士起各執其

具以出陳於堂下百官進徹之下餽上之餘也

謬所六反

起也百官進依注作餽進當為餽聲之誤也百官
謂有事於君祭者也既餽乃徹之而去所謂自卑至
賤進徹或凡餽之道每變以衆所以別貴賤之等而
俱為餽也

興施惠之象也是故以四簋黍見其脩於廟中也廟

中者竟內之象也

別彼列反見賢遍反脩於廟中一本作偏鬼神之惠徧廟中如國

君之惠徧竟內也

疏曰是故以四簋黍見其脩於

廟中也者謂餼之時

君與三卿以四簋之黍修整普

徧也所以用四簋

多黍稷而餼者欲見其恩惠修整

徧於廟中諸侯之祭

有六簋今云以四簋者以二簋

留為陽厭之祭故

以四簋為餼簋有黍稷特云黍者

見其美舉黍稷可知

也廟中者竟內之象也者以其

簋而徧廟中如君之

祭者澤之大者也是故上有大

恩惠徧於竟內也

祭者澤之大者也是故上有大

澤則惠必及下顧上先下後耳非上積重而下有凍

餒之民也是故上有大澤則民夫人待於下流知惠

之必將至也由餒見之矣故曰可以觀政矣

積重直龍反餒

乃罪反夫音扶 鬼神有祭不獨饗之使人餒之恩
澤之大者也國君有蓄積不獨食之亦以施惠竟內
也祭 餒餘不祭父不祭子夫不祭妻 曲禮 朱子
統

是今思之只是不敢以餒餘又將去祭神雖以父之
尊亦不可以祭其子之卑夫之尊亦不可以祭其妻
之卑蓋不敢以鬼神之餘復以祭也祭非飲食必祭
之祭 又曰先儒自為一說橫渠又自為一說看來
只是祭祀之祭此因餒餘起文謂父
不以是祭其子夫不以是祭其妻

夫祭有界輝

胞翟聞者惠下之道也唯有德之君為能行此明足
以見之仁足以與之界之為言與也能以其餘界其
下者輝者甲吏之賤者也胞者肉吏之賤者也翟者

樂吏之賤者也閹者守門之賤者也古者不使刑人

守門此四守者吏之至賤者也尸又至尊以至尊既

祭之末而不忘至賤而以其餘畀之是故明君在上

則竟內之民無凍餒者矣此之謂上下之際反焯依

注作鞞同況萬反又音運胞步交反翟音狄閹音昏

明足以見之見此畀仁足以與之與此畀者也焯

周禮作鞞謂鞞磔皮革之官也翟謂教羽舞者也古

者不使刑人守門謂夏殷時畀如字舊必利反

疏曰此之謂上下之際者際接也祭統

至尊者與賤者其道接也祭統

閹謂之門

詩曰祝祭於爾雅

繹又祭也

祭之明日尋繹復祭疏曰繹又祭

也者又復也。釋復祭之名也。郭云祭之明日尋釋復祭。公羊傳曰：「釋者何？祭之明日也。」穀梁傳曰：「釋者祭之旦日之享賓也。」天子諸侯謂之為釋，少牢饋食大夫之禮也。謂之賓尸與祭同日若然是亦與賓尸事不同矣。而詩頌絲衣序云：「釋賓尸者，釋祭之禮，主為賓事。此尸但天子諸侯禮大異，日為之別，為立名，謂之釋，言其尋釋昨日卿大夫禮小同日為之，不別立名，直指其事，謂之賓尸耳。」此序言釋者是祭之名，賓尸是此祭之事故。特詳其文，然又祭。周曰：「釋春秋經曰：壬午猶釋。」疏曰：之名三代各異。郭云：壬午猶釋者，宣八年經文。商曰：「彤。」疏曰：高宗彤日，商書篇也。孫夏曰：「復昨。」疏曰：也。文。商曰：「彤。」炎云：彤者相尋不絕之意。夏曰：「復昨。」疏曰：典訓無言復昨名者，未見義所出也。詩傳及詩箋亦無此一句說者云：「昨是祭肉也，以祭之旦日復陳其祭肉，以賓尸也，未知然不祭名者，以顯上事也。」同上。

右祭之明日又祊

傳為祊於外

祊百彭反祊者於廟門之旁因名焉其祭之禮既

設祭於室而事尸於堂孝子求神非一處也周禮曰

夏后氏世室門堂三之二室三之一詩頌絲衣曰自

堂徂基

釋音亦處昌慮反

疏曰為祊於外者祊

謂明日釋祭在於廟門外之西旁以正祭設饌在室

故知釋祭亦設饌在室有司徹上大夫賓尸坐尸侑

於堂酌而獻尸故知人君釋祭亦事尸於堂也云夏

后氏世室門堂三之二室三之一者證廟門之旁有

室有堂也又引詩頌絲衣之篇者證釋祭在堂事尸

也絲衣之篇論釋祭之時從堂上

故曰於彼乎於此

往於堂下之基故云自堂徂基

乎

或祭之於堂或祭之於外不知此神於彼堂乎於

乎

彼室乎於此妨乎以古語有此故記者引以結之
禮器 祭統 詔祝於室而出乎妨此交神明之道也

疏曰祝官以言詔告祝請其尸於室求之此交神
明之道也者神明難測不可一處求之或門旁不敢
定是與神明
交接之道 詩云明發不寐有懷二人文王之詩

也祭之明日明發不寐饗而致之又從而思之祭之

日樂與哀半饗之必樂已至必哀

明發不寐謂夜已
至旦也祭之明日

謂

釋日也言釋日夜不寐也二人謂父母容尸侑也

疏

曰云二人謂父母容尸侑也者祭以念親故二

人謂父母按有司徹上大夫賓尸別立一人為侑以
助尸釋祭與儗尸同故知二人容尸與侑也 儗音

賓

祭義

是故孝子臨尸而不忤君牽牲夫人薦盞君

獻尸夫人薦豆卿大夫相君命婦相夫人齊齊乎其

敬也愉愉乎其忠也勿勿乎其欲其饗之也

作才各反盎烏

浪反愉羊朱反

君牽牲將薦毛血

疏曰作謂顏

色不和悅以祭祀

須饗尸故孝子臨對尸前不得顏

色不和君牽牲夫人奠盎者熊氏云此謂繹祭君當

牽牲之時夫人奠設盎齊之尊君獻尸夫人薦豆者

繹祭故先獻後薦齊齊乎其敬也者卿大夫相君命

婦相夫人皆齊齊乎其恭敬齊齊謂整齊之貌故玉

藻云廟中齊齊愉愉乎其忠也者愉愉和悅之貌忠

謂忠心言孝子顏色愉愉然和悅盡忠心勿勿乎其

欲其享之也者勿勿猶勉勉也言孝子之心與貌勉

勉然欲得親之敬享也云儗尸主人獻尸主婦自東

房薦韭菹醢者此是有司徹文引之者證儗尸之時

先獻後薦上大夫人儗尸即天子諸侯之繹也

盎齊

才細反

祭義

宣公八年六月辛巳有事於太廟仲遂卒

於垂壬午猶繹

繹又祭陳昨日之禮所以賓尸

公羊子曰繹者何祭

之明日也

天子諸侯曰繹大夫曰賓尸士曰宴尸

穀梁子曰繹者祭之

旦日之享賓也

疏曰旦日猶明日也何休云繹者繼昨日事但不灌地以降神耳

衛莊公改舊制變宗廟易朝市高子罍問於孔子曰

周禮繹祭於祊祊在廟門之西前朝而後市今衛君

更之如之何孔子曰繹之於庫門內祊之於東方市

朝之於西方失之矣

家語曲禮公西赤問

陳氏禮書曰禮有正祭之祊有繹祭之祊於祊求諸遠者也祊於西尊其右也詩云以往烝嘗或剝或烹或肆或將而繼之以祝祭於祊此正祭之祊也禮言設祭於堂為祊乎外家語言繹祭於祊此繹祭之祊也正祭之祊位於門內之西室故毛氏釋詩以祊為門內繹祭之祊位於門外之西室故鄭氏釋郊特牲以祊於門外蓋祊其位也繹其祭也賓尸其事也繹祭謂之祊而祭之祊不謂之繹

繹之名特施於天子諸侯賓尸之名亦施於卿大夫鄭氏以卿大夫賓尸在堂故謂祊於門外之西室繹又於其堂孔穎達申之云求神在室接尸在堂於義或然卿大夫有賓尸則正祭無加爵無陽厭下大夫士無賓尸故正祭有加爵有陽厭必於明日春秋書辛巳有事於太廟壬午猶繹穀梁曰繹者祭之明日之享賓也公羊曰繹者何祭之明日是也賓尸則祭日而已儀禮有司徹掃堂攝酒

迎尸而賓之是也。繹於明日則異牲。詩曰：自羊俎

牛是也。賓尸於祭日則用正祭特牲而已。有司徹

盥音尋尸俎是也。蓋正祭重而主於禮，神繹輕而主

於禮。尸重故省牲視具。在宗伯輕故使士焉。則緇

衣其紕，載弁綰袂者，士而爵弁緇衣者也。主於禮

神故在室。主於禮尸故在堂。則自堂俎，基掃堂設

筵者，皆堂上之事也。考之儀禮，大夫正祭不迎尸

而賓尸，迎之正祭有祝而賓尸有侑。正祭先薦後

獻賓尸先獻後薦正祭之鼎五賓尸之鼎三正祭之牲體進下賓尸之牲體進腩正祭之魚縮載賓尸之魚橫載正祭主人獻尸而尸酢之於獻祝佐食之前賓尸主人獻尸而尸酢之於獻侑之後凡此皆與正祭不同則主人迎尸尸後酢主人所以伸主人也先獻後薦而進下所以醉飽尸也其飲至於無算其罰至於兕觥則繹祭可知矣

通典祭之日王服衮冕而入廟工則奏以王夏王入

立於東序后則副禕而入立於西序尸入之後乃就

於西房

轉就西房者所以放陰陽之義禮器云大明生於東月生於西陰陽之分夫婦之位也

尸服衮冕而入工則奏肆夏王及於室而不迎尸

統祭

云君迎牲而不迎尸所以別嫌也

於是王以珪瓚酌雞彝之鬱鬯以

獻尸尸以裸地降神尸祭之啐之奠之此為裸神之
一獻也后乃璋瓚酌烏彝之鬱鬯以獻尸尸祭之啐
之奠之此為二獻也王乃袒而迎牲於門牲入門則
奏昭夏王親牽牲公卿大夫執幣以從入而告於庭

云博碩肥腍王乃麗牲於碑親執鬻刀啟其毛血以

授於祝祝入告於幽全之義遂乃殺牲始行朝踐之

事凡牲廟用一牢

公羊傳云周公白牡魯公辟剛羣公不毛

朝踐之時尸

出於室坐於戶西南面主在西東面

郊特牲云詔祝於室坐尸於堂

鄭玄注云謂朝踐時迎尸於戶外

時尸主之前薦以籩豆脯醢而已

乃取牲脾骨燎於爐炭入以詔神於室於時王親洗

肝於鬱鬯而燔之以墮於主主人親制其肝所謂制

祭也次乃升牲首於室中北墉下尊首尚氣之義也

時又薦腥於尸主之前謂之朝踐於時王乃以玉爵

酌獻

素何反下同

罇中醴齊以獻此三獻也后於是薦朝

事之遵時堂上以夾鍾之調歌堂下以無射之調作

大武之樂后於是亦以玉爵獻罇醴齊以獻尸此四

獻也時堂下之樂亦作也於時王自阼階而西酌獻

后從西階東酌獻

所謂禮交動乎上樂交應乎下

至薦熟之時謂之

饋食先薦熟於堂

視陳此設饌之禮非謂即食

設饌之時王及尸

皆有倚住之處設機於傍故云變機也設席之後更

設尸主之席於堂在戶內西方東面尸在其北布尸
主席訖乃遷所設於堂上之饌置尸主坐前時祝又
以尊酌奠奠於饌南所謂天子奠尊又取腸間脂燭
之蕭合羶薌鄭云羶當為馨字之誤燎於爐炭所謂晁陽達於

牆屋乃迎尸主入室即席舉奠尊將祭之時祝則詔

王拜妥尸

郊特牲云舉尊角詔妥尸是也

拜訖尸遂祭酒以菁茅謂

之縮酒

左傳云爾貢苞茅不入王祭不供無以縮酒

尸遂啐之奠之尸乃

坐於是王以玉爵酌象樽盞齊以獻尸五獻也時后

薦饋食之籩又以玉爵酌象罇醢齊以獻尸此六獻

也

王及后每獻皆作樂如初

尸食訖王以玉爵酌朝踐之獻罇醴

齊以醕尸謂之朝獻亦罇相因此七獻也后薦加事

之豆籩尸飲七王可以獻公尸飲訖受祝祝酌清酒

以授尸尸以酢王王乃設酢席於戶內尸少祭饌黍

稷并假福王王乃以出量人與鬱人受之

周禮宗伯職云量人

與鬱人受舉

后以玉爵酌饋食象罇之盎齊以獻尸

掌之卒爵

日再獻亦罇之相因尸酢后如王之法飲酢酒此八

獻也尸飲八王可以獻卿諸侯為賓者以玉爵酌盞

齊備卒食三獻合九獻凡王及后各四諸侯為賓者

一也尸飲九王可以獻大夫士

取惠均於下之義

尸飲訖又

酢諸臣如后之法自九獻之後遂降冕而總干舞大

武之樂以樂尸

祭統云君執干戚就舞位冕而總干率其羣臣以樂皇尸

九獻之

後更為嗣子舉奠與羣臣進獻更行三爵皆謂之加

爵則用璧散璧角

明堂位云用璧角

即行旅酬無算之爵樂

作亦然旅酬既訖則尸出尸出之後則嗣子餞之

王文

世子云登餞受爵以上嗣尊祖之道鄭玄注云上嗣祖之正

厥明更以一牢繹於

禘

於廟門之外而行其禮


按儀禮所存唯少牢饋食特牲饋食為大夫祭宗廟之禮而天子諸侯之祭禮亡矣其載於周禮禮記者雖畧可考見而參錯渙散後之有天下者雖欲一遵古禮行之而其節文脉絡不相連屬此所以病其難行也晦庵嘗欲以二禮及註疏中所言紬繹其節奏之先後為天子祭禮而其書未成以

授其門人勉齋黃公黃又未及成而以授信齋楊
公信齋之書出而後學者開卷始可以洞窺其奏
節自致齋而裸獻自裸獻而饋獻以至加爵徹俎
旅酬登餽繹祭之儀大槩以經之所言為主而經
之所未備者則取註疏之說以備之註疏之所未
備者又約儀禮所載大夫士之禮以推之其說始
粲然有條足為百代不刊之典然杜氏通典亦嘗
採經傳及註疏之說條陳九獻之禮特畧而未備

且與信齋之說小異故並存之



文獻通考卷九十六



總校官庶吉士臣張能照

校對官檢討臣盧應

膳錄監生臣孫悅祖